

新刊監本冊府元龜卷第一百六

帝王部一百六

惠民第二

唐代宗廣德二年浙東諸州以討平賊帥袁晁瘡痍初復乃加賑恤

大曆四年四月連雨至八月京城米斗八百文官出米二萬石減估而糶以惠貧民

十一年三月以杭州前歲水災命右散騎常侍蕭昕使于杭州宣慰賑給

德宗以大曆十四年五月即位七月庚午詔邕州所奏金坑城為閩國語人於利非朕素懷方以不貪為寶惟德繫物豈尚茲

難得之貨生其可欲之心邪其金坑任人開採官不得占  
十月辛卯以官豢豕三千給貧人

興元元年十月乙亥詔曰頃戎役繁興兩河尤劇農桑俱廢井  
邑為墟丁壯服其干戈疲羸委於溝壑歷河朔而至大原自淮  
沂而被洛汭虫螟為害雨澤愆期然猶征賦未息征役未寧凍  
餒流離寄命無所其宋毫淄青澤潞河東常冀幽州易定魏博  
等八節度管內各賜米五萬石河陽東都二節度管內各賜三  
萬石所司即般運於楚州分付各委本道領受賑給將士百姓  
江淮之間連歲豐稔迫於供賦頗亦傷農收其有餘濟彼不足  
宜令度支於淮南浙江東西道加價和糴米三五十萬石差官  
般運於諸州減價出糴貴從權便以利於人宜即遣使分道宣

慰勞勉將士存問鄉閭有可以濟歲凶災除人疾苦各於長吏  
商量奏聞

貞元元年正月辛丑賑貸諸道將士百姓昭義河東成德幽州  
義武魏博奏誠晉慈愷宣武平盧汴滑河陽東都畿汝州諸軍  
節度合給米四十七萬石

二年二月詔曰諸道節度觀察使所進牛委京兆府勘責有地  
無牛百姓量其產業以所進牛均平給賜其有田五十畝以下  
人不在給限給事中袁高奏曰聖慈所憂切在貧下百姓有田  
不滿五十畝者尤是貧人請量兩三戶共給牛一頭以濟農事  
從之是時蝗旱之後牛多疫死諸道節度韋臯李叔明等減進  
耕牛故有是命又賜京兆府百姓種子二萬石同州華州各三

千石陝虢西州各四千石

四月陝虢觀察使李泌奏虢州盧氏縣山治近出琴瑟請充貢  
獻禁人開採詔曰琴瑟之寶中土所無今產於近甸實無靈貺  
朕不飾器玩不尚瑰竒常思返朴之風用明躬儉之節其出琴  
瑟處任百姓求採不宜禁止

四年正月詔曰諸道遭水旱委長吏貸種

六年七月以麥不登賜京兆府種五萬石

七年三月以閔輔牛疫存者十五六帝遣中使市以給之

八月河南河北山河江淮凡四十餘州大水遣中書舍人奚陟  
往江襄郢隨鄂申光蔡等州左庶子姚齊梧往陳許宋毫徐泗  
等州祕書少監雷威往鎮冀德棣深趙等州京兆少尹韋武往

楊楚廬壽徐潤蘇常湖等州宣撫應諸州百姓因水不能自存  
者委宣撫使賑給

十二月詔曰惠下恤人先王之正典視年制用有國之常規故  
有出公粟以賑困窮弛歲征以寬物力廼者諸道水災臨遣宣  
撫省覽條奏載懷憫惻其州縣遭水漂損乏絕戶宜共賜三十  
萬石度支即與節度觀察使計度各隨所宜支給委本使擇澤  
清幹官受米送給州縣

十三年三月河南府上言當府旱損請使舍嘉倉粟五萬石賑  
貸百姓可之

十四年六月庚寅詔曰訪聞蒸庶之間米價稍貴念茲貧乏每  
月憂懷苟利於人所宜通濟今令度支出官米十萬石於街東

西各五萬石每斗賤校時價糶與百姓乙巳以早儉穀貴人流  
出大倉粟賑恤京北府諸州

七月令賑給京北府百姓麥種三萬石

十月以凶旱穀貴出大倉粟三十萬石令京北府開場糶以惠  
民

十二月以河南府穀貴人流令出舍嘉倉粟七萬石開場糶以  
惠民并河南飢民

十五年三月以久旱歲凶出大倉粟十八萬石於京畿諸縣賤  
糶以救貧民

十九年七月貸京畿百姓麥種

憲宗永貞元年八月即位九月丙子詔申光蔡及陳許兩道將

卒百姓等比遭旱損多缺糧儲特宜賑貸令其有濟申光蔡等  
州宜賜米十萬石陳許等州賜米五萬石仍令刑部員外郎薛  
方克宣慰使專往存問

十一月以久雨京師益貴出庫益一萬石以惠飢民

元和元年四月戊申命司部員外郎張汶以米十萬石賑給于  
浙東

四年正月壬午制曰王者立國本於安人暨海宇蒼生不忘引  
覆天下至廣咸務和寧其或郡國罹災存恤為重發廩蠲賦時  
惟舊章猷歲布和前聖高躅朕祗膺眷命續承洪緒居兆人之  
上五載於茲推大信以撫萬邦體至仁以蕃庶類夕惕惟勵憂  
深納隍豈布理猶鬱上玄未感精禋相望陰陽或愆近者江淮

之間水旱作沴綿宣郡邑自夏徂秋雖誠禱群神無愛主璧而  
災流下土虧我生成逋亡靡依凋瘵斯甚疲俗難食時予之辜  
當宁疚懷宵衣興歎憫茲求莫臨遣使臣分命巡行特存加恤  
徃救災患冀安流庸俾免其田租賑以公廩隨便拯給惠此困  
窮其元和三年諸道應遭水旱所損州應合放兩稅錢米等損  
四分以下准式處分四分以上者並准元和元年六月十八日  
勅文放免仍委中書門下即於朝班中擇人分道存撫其單貧  
之戶轉徙未安便以常平義倉所貯斛斛量事賑貸務令存濟  
副朕憂軫嗚呼方岳長吏居職親人永言分憂亦惟善政敬哉  
有土咸悉予懷

六月渭南縣暴水泛溢漂損閭舍二百一十三戶秋田十有六  
頃溺死者六人命京兆府發義倉賑給

十一月詔淮南陽楚滁三州浙西潤蘇常三州今年歉早尤甚  
米價殊高言念困窮豈忘存恤宜以江西湖廣鄂蘄荆南等使  
折糴米三十萬石賑貸淮南道三州三十萬石賑貸浙西道三  
州恐此米到遲不救所切宜委淮南浙西觀察使且各以當道  
軍糧米據數給旱損人戶節級作條件賑貸淮南李吉甫浙西  
韋臯躬親部署令刺史縣令切加勾當使此米必及飢人以副  
朕意如賑貸三州之外可及諸州以聽量便宜處置待江西等  
道折糴和糴米到各據數收官

六年二月癸巳制曰王者本憂人之心有順時之令故及發生  
之後必引利澤之規以此惠人期於阜俗今三陽布和萬物遂

惟唯人之窮乏者或不得存朕所以憫然省憂議所賑救如聞  
京畿之內緣舊穀已盡粟米未登尚不足食陳豈有餘於播種  
勸其耕食固在及時念彼徵求尤資寬貸京兆府宜以常平義  
倉粟二十四萬石貸借百姓其諸道州府有乏少糧種處亦委  
所在官長用支平義倉米借貸淮南浙西宣歙等道元和元和  
四年賑貸並且停徵容至豐年然後徵納

七年二月壬辰制曰王者布德行惠必順天時發倉賑之蓋循  
舊典朕君臨寓縣念切黎元思欲咸致其安各阜其業事閑恤  
下政在使人予無愛焉斯為大本而旬服之內比年豐穰一歲  
不登遂至艱食豈非敷下賦役經制猶繫物力所資凋耗已甚  
興言於此愧歎良深今春陽發生田事具飭苟迫於歉乏不能

日存則耕植頓虧秋成何望所以特加惠賚蠲彼徵求庶農桑  
之及時俟耒耜之方稔式當和煦之候載示憂勤之心戒其永  
懷俾厚生庶京畿百姓宜賑給粟三十萬石內八萬石以京兆  
府常平義倉粟充其餘大倉粟支給

九年二月丁未制曰善為國者務蓄於人百姓未足君孰與足  
其或時逢水旱念切惻嫠於是而已責之思行散利之典古今  
通範何莫尤斯朕恭己厲精以臨兆庶永言憂濟終食豈忘思  
俾萬邦同臻富壽而去歲旬服氣序懋和夏屬驕陽秋多苦雨  
三農爽候五稼不茲比及收藏曾靡善屬如聞閭井之內儲備  
卒充產於地者既微出於民者必困既率公上之稅猶迫輸送  
之期循環歲困民亦勞止况群司具列軍衛寔繁供億之名制

備存工役之科未艾四方楨榦屬在京師念茲務人良多愧歎  
今土膏方動東作其勤逋賦未蠲種餉何望宜加惠渥式俾厚  
生趨澤務農庶乎勤化姑示納隍之旨佇寬艱食之虞照育順  
時義斯可取應京畿百姓所欠元和八年稅斛斗青苗錢稅草  
等在百姓腹內者並宜放免仍以常平義倉斛斗三十萬石委  
京兆府條流賑給務及貧人如常平義倉不足宜即以元和七  
年諸縣所貯折糴斛斗添給應緣賑給百姓等委京兆差擇清  
強官每於縣界逐處給付使無所弊各得自資近歲以未屢弘  
德澤邦畿千里田號上腴阜安疲黎亦在循政咨爾京邑長吏  
洎於宰字之官各宜叶心將我詔意戒之以優授之以仁宣示  
朕懷咸使民悉時百姓以八年水害農功及春作告旱於是畿  
輔間以徵賦為憂及此詔下人情大悅

五月以早穀貢出大倉粟七十萬石開六場糶之并賑貸外縣  
百姓至秋熟徵納便於外縣收貯以防水旱

十年十二月命度節即中薛公幹賑恤易定等州

十一年四月丁巳以粟八萬石賜徐宿二州皆卹其水旱

十二年正月以東畿及陳許飢詔鄭華觀察使以估糶官粟救  
之

四月詔出大倉粟二十五萬石糶於兩市以惠饑民

九月辛卯制曰朕為君父期至豐寧夙夜永思未嘗怠息而庶  
政猶闕常雨為災今遠近或有墊溺浸敗廬舍漂浸田苗言念  
疲黎重罹斯弊覽茲奏報嗟悼良深將俾獲安豈忘賑救其諸

應遭水州府河南澤潞河東幽州江寧等管內及鄭滑滄景陽  
定陳許晉隍蘇襄復台越唐隋鄧等人戶宜令本州厚加優恤  
仍各以當處義倉斛斗據所損多少量事賑給訖具數聞奏  
十四年七月東郡番守上言河南府汝州百姓飢詔貸河南府  
粟五萬石汝州二萬石

八月乙亥歸光州茶園於百姓從刺史房克讓之請

穆宗長慶二年七月以陳許罹水災賑粟五萬石

閏十月甲寅詔曰如聞江淮諸州旱損頗甚所在米價不免踊  
貴眷言疲癯須議優矜宜委淮南浙西浙東宣歙江西福建等  
道觀察使各於當道有水旱處以常平義倉斛斗據時估減一  
半價出糶不得令豪家併糶使其必及貧人

十二月甲午命以絹二百疋賑京師東西市窮丐者

四年二月詔如聞京城米穀翔貴百姓乏食者多夏麥未登須  
有救卹宜出大倉陳粟四十萬石度支京兆府類會減時價於  
東西街置場出糶其價錢仍府司收貯至秋收糶却慎

敬宗寶曆元年十二月詔曰農功所切實在耕牛疲畝乏此理  
須給賜宜委度支於東振武靈鹽夏州分市耕牛萬頭交付京  
兆尹令均給畿內貧下百姓其價以戶部綾絹充

大和元年六月命中使赴京兆府宣令修高陵界白渠斗  
門任百姓取水溉田

二年七月詔曰朕撫有四方子育兆庶虔恭夕惕罔敢自暇庶  
幾天地交感人神洽和如聞山東降災淫雨泛濫豈政理有所

未明人情有所未達郡中官待旦惕然疚懷應是諸州遭水損  
田苗壞廬舍處宜委所在長吏切加訪卹如不能自濟者宜發  
義倉賑給普令均一以副朕懷

二年五月詔曰去年水損處鄆曹濮淄青德齊等三道宜各賜  
米五萬石兗海三十萬石並以運米在側近者逐便速於般運  
仍以右司員外郎劉茂復充曹濮等道賑恤使戶部員外郎嚴  
譽克海等道賑恤使

七月濟德州奏百姓自用軍以來流移十分只有二分伏乞賜  
麥種耕牛等勅量賜麥三千石牛五百頭共給綾一萬疋充價  
直給仍各委本州自於側近市糴給分

四年七月辛卯以大原人飢賑貸斛斗三萬石癸巳許州上言  
去年六月二十一日被水有詔應遭水損百姓等宜量放今年  
租子委本道即具分析聞奏仍令宣慰使李珣與本道勘會人  
戶實水損每人量給粟一石其當人戶多亦不得過五石令度  
支以逐便支送具人粟數分并以聞并免本道合送上給錢二  
萬

八月戊寅舒州上言常州大湖宿松望江等縣從今年四月已  
後江水漲泛沒百姓田業共計六百八十二石並盡人皆就高  
避水飢貧無食有詔以義倉賑給

十月庚戌詔曰朕以寡德臨御萬物宵旰憂勤匪敢自暇然仁  
未及物誠不動天陰陽失和水潦為敗顧茲災沴害及生灵江  
淮之間滁和兩州應水損縣數其所申奏漂溺人戶處宜委本

道觀察使與本州刺史子細檢勘全放今年秋糧錢米仍以義倉斛斗逐便據淹損田苗漂壞廬舍及虫螟所損節級矜減詣實奏聞如聞沒溺甚處亦以義倉量事賑賜其京北河南府所損縣即據頃畝依常例檢覆分数蠲州縣牧宰各務撫安必令均濟用稱朕意

五年正月詔河東兵戈之後亢旱踰年倉廩空虚元元困乏若無救恤恐至流亡宜借便粟十萬石

七月東州玄武江水漲二丈梓州羅城漂人廬舍詔劍南兩州水運使宜撫賑給

六年正月制京北府諸縣宜以常平義倉斛斗量事賑卹仍先從下戶給

二月戶部侍郎庾敬休奏兩川米價騰貴百姓流亡至多請糶兩川闕官職田祿米以救貧人從之戊寅勅曰浙西諸州皆有水災蘇湖兩州漂沒尤甚須有賑卹以救疲人兩州共賜米二十二萬石先從貧下戶給並以本州常平義倉斛斗充  
五月壬子浙西觀察使丁公著奏杭州八縣災沒詔賜米七萬石以賑之

七年正月壬午以旱詔京北府河中等九州宜賜粟五十六萬石京北府賜十萬石河南府河中府絳州各賜十萬石同華等州各賜十萬石並以義倉及折糶斛斗充無本色以運米折給委本州府長吏明作等第差官吏對面宣賜先從貧下起給  
八年九月詔淮江浙西等道仍歲水潦遣殿中侍御史任畹馳

往慰勞以比年賑貸多為姦吏所欺徒有其名惠不及下宜委所在長史以軍州自貯官倉米減一半價出糶務及貧弱如無貯蓄處即以常平義倉出糶入詔諸道有飢疫處軍糧積蓄之外其屬度支戶部雜穀並令減價出糶以濟貧人

九年三月乙丑詔曰朕以寡德託於兆人之上雖兢兢業業思理不怠而政道多闕和氣用傷仍歲水旱黎民艱食為之父母斯心鬱陶如聞魏博六州阻饑尤甚野無青草道堙相望及山東道陳許鄆曹濮淮南浙西等道皆困於飢疫慮乏種餉其魏博宜賜粟五萬石山南山東道陳許鄆曹濮等三道各賜糙米二萬石充賑給委度支逐便支道濮南浙西兩道委常吏以常平義倉粟賑恤

開成元年正月詔同州賜穀六萬石河中絳州共賜十萬石委度支戶部以見貯粟麥充賜

二年七月詔以時旱減入內水十分之九賜百姓灌田從京兆尹崔珙之請也

四年七月丙午滄景節度使劉約奏請義倉以恤遭水百姓詔曰本置義倉只防水旱先給後奏勅有明文劉約所奏亦為遲晚宜速賑卹

武宗會昌元年正月詔如有陂澤山原百姓或力能墾闢耕種

州縣不得輒問所收苗子

臣欽若等曰唐自武宗至昭哀無實錄故此後作闕

後唐莊宗同光四年正月己卯明宗奏深冀諸州縣流亡饑饉戶一千四百乞鄰都倉儲借貸以濟貧民

明宗天成四年二月詔應定州城外脩築寨處委招携本土識  
認城內窮民不濟者委本道量加賑給

長興元年正月華州上言准詔給貧民以去年水災故也

二月郊禮祀畢制曰諸州府或經水旱災沴恐人戶闕少糶糧  
方值春時誠宜賑恤宜令逐處取去年納到新好屬省斛斗各  
加賑貸候秋收日徵納是月宋州奏准詔賑貸粟萬石

三月差中使三人往鄧萊賑貸貧民是月峽州奏准詔賑貸貧  
民

五月青州奏准詔賑貸貧民糧一萬四百一十九石

二年二月汴州奏准詔賑貸遭水處貧民

三年三月辛亥帝謂侍臣曰朕昨日出城見百姓父子三人同

曳犂耒者力農如是深軫予懷可賜耕牛二頭

七月丁未內出御禮示百僚曰朕以臨御萬邦寵綏四方務郵  
民以設教期化俗以成風昨自霖雨連綿川瀆泛溢傷數州之  
苗稼蕩百姓之丘園遭此微災慙虧至德致農者失力田之望  
念編疇有艱食之勞每日責躬更思求理欲使人獲其蘇息恨  
不家至而撫安憂勞所深鑒寐斯切宣布維新之澤式全可大  
之功今年州府遭水潦處三司各指揮本州府支借麥種及等  
第賑貸斛食仰逐處長吏切加安存不得輒有差使如戶口流  
移其戶下田園屋宅仰村鄰節級長湏主管不得信令殘毀候  
本戶歸日具元桑棗根數及什物數目交付不得致有欠少本  
戶未歸即鄰保請佃供輸若有務時歸業准例收秋後交付貴

示招携永期康泰速宜宣布稱朕意焉是歲宋亳穎三州水災尤甚樞密使范延光趙延壽從容奏曰今秋宋亳穎等州水災甚民戶流下粟價暴貴巨等商量欲於本州官倉斛斛依如今時估出糶以救貧民兼大水之後頗宜宿麥窮民不辦種亦望本州據民力等第支借麥種自十石至三十石候來年收麥據原借數收納官從之乃下此詔

晉高祖天福四年十二月帝以雨雪彌月出金粟新炭與犬羊之皮以賑貧民

六年四月乙巳以齊魯民飢詔鄆青兗三州管內發倉糧賑貸七年七月壬戌開封府奏准宣給糧二萬石賑諸縣貧民是月戊辰遣使司農少卿李毗使宿州鴻臚少卿龐令圖使洛京白

波賑貸貧民

少帝天福柒年八月詔襄州城內百姓等久經圍閉例各飢貧宜示頒宣用明恩渥大戶各賜粟二石小戶各賜一石宜令襄州以見在數充

十二月丁丑詔遣供奉官馬延瀚各京賑恤飢民仍宣河南府差大將量將來豆往諸山谷表散給人戶其諸縣係欠秋稅與限至來年夏麥徵納

八年正月丁酉勅河南懷孟鄭等州管內百姓有積粟者仰均分借便以濟貧民

周太祖廣順二年三月庚申齊州言禹城縣二年水民飢流亡今年因河倉有初糧五萬二千餘斛欲賑貸勅諸邑留三二千

斛給巡檢職員餘并賑貸貧民

三年三月壬辰徐州彭城縣民飢迄賑貸從之

十一月辛卯勅善部員外郎劉表徵往兗州閉食減價糶粟以水害稼救飢民也丙午單州刺史劉僖言州倉充給歲餘軍糧外有大麥六萬石欲開倉官糶以濟貧民從之

十二月以亳潁二州大水民飢有所倉儲及永成倉度支給軍食一年外遣使減價出糶顯德元年正月乙酉分命朝臣杜暉等五人往亳潁濮永城固河口開倉減價出糶以濟貧民

世宗顯德四年三月命左諫議大夫尹日就於壽州開倉賑給貧民又命供奉官田處品梁希進等於壽州城內烹粥以救民人

六年辛丑西京上伊陽縣居民多於山谷間淘金帝曰山澤之利與衆共之王者之道也命本府勿禁

六年正月命廬州開倉出陳麥以糶之蓋克復之後民尚阻飢故廉其價以惠之也

二月壬午濠州上言唯宣出糶省倉陳麥以利飢民

三月壬戌楚州上言唯詔烹粥以救民飢丙戌遣使往和州開倉以賑飢民戊子命壽州開倉以賑飢民

十二月分使臣賑給諸州遭水人戶

新刊監本冊府元龜卷第一百七

帝王部一百七

朝會

春朝夏宗秋覲冬遇天子端委而向離明諸侯輯瑞而畢會九  
賓在位三揖成禮號令憲章於是出聲明文物罔有不備寅恭  
者加禮怠墮者貶爵所以訓上下之則正君臣之序教庶民以  
事上示率土以大同也夏禹之塗山刑辟以討後至康王之鄭  
宮慈惠以接來庭三代之制於斯為盛厥後質文雖異沿革同  
歸罔不修其班制差其功位既以述職亦用講禮蓋昧爽而聽  
政人君之盛儀假寐而待旦人臣之忠節陵三軍者以之生懼  
有家邦者其可勿此至若干泉受計露門頒令小政以見和仲

夏以減覲奉乎皮幣賜以車馬發擗以求諫交戰以宣威皆歷代之遺美前王之令範書之方冊可為彝訓隋氏而上史多闕文唐室而下所計詳悉並全次其事例之於篇其有長樂之尊承奉之貴王元慶賀率為典故以致國家多故因而發朝咸附之云爾虞舜正月上日受終于文祖上曰朔日也終謂堯終帝祖輯五瑞既月乃日覲四岳群牧班瑞於群廟揖欽既盡覲見欽公候伯子男之瑞圭璧蓋以正月中乃日見四岳及九州牧監還五瑞於諸侯與之正始也

夏禹合諸侯於塗山執玉帛者萬國諸侯執玉附庸執帛塗山在壽春東北

周成王即位少周公攝政朝諸侯於明堂之上周公攝王位以明堂之禮儀朝

諸侯也不以天子負斧依南向而立天子周公也負之言背也宗廟壁玉也天子負斧依南向而立天子周公也負之言背也宗廟壁玉也

三公中階之前北面東上諸侯之位於前立焉阼階之東西面

北上諸侯之國西階之西東面北上諸侯之國門東北面東上

諸男之國門西北面東上九夷之國東門之外西面北上八蠻

之國南門之外北面東上六戎之國西門之外東面北上五狄

之國北門之外南面北上九采之北北面東上四塞世告至此

周公明堂之制也朝之禮不於此周公權用之也朝位之上近謂之應門二伯帥諸侯而入牧居外糾而察之也四塞謂夷服

鎮服蕃服在四方焉蔽塞者新居即位則乃朝周禮侯服歲一見甸服二歲一見男服三歲一見采服四歲一見衛服五歲一見要服六歲一見九州之外謂之蕃周世一見

康王既尸天子尸主也主天子之位號出在應門之內出畢門立應門大

保率西方諸侯入應門左畢公率東方諸侯入應門右二公為

率其所長諸侯隨其方為位皆北面皆布乘黃牛諸侯皆陳四黃馬朱鬣以為庭寶賓稱奉圭兼

葵曰壹二巨衛敢執壤奠質諸侯也敢執壤地所出而奠贊也皆再拜稽首王義

皆再拜稽首王義

嗣德答拜德王以其義繼先人明大保暨芮伯咸進相揖皆再拜

稽首冢宰與司徒皆共群諸並進陳

其後康王又有鄂宮之朝鄂在好平郡縣東有吳

穆王有塗山之會

漢高帝七年長樂宮成諸侯群臣朝月高帝因秦制以用叔孫

通新儀先平謁者制禮引以次入殿門庭中陳車騎成卒衛宮

設兵張旗志志與識同傳曰趨趨謂疾行為敬也殿中郎中俠

陸陸數百人俠與挾同挾其兩傍功臣列諸侯將軍軍吏以次

陳西方東鄉文官丞相以下陳東方西鄉鄉讀旨大行設九賓

臚句傳上傳語告下曰為臚下告上句也大行掌賓客之禮令

臚大夫士也於是皇帝輦出房百官執戟傳警傳警傳聲而引諸侯王

以下以吏九百石以次奉賀自諸侯王以下莫不震恐肅敬至

禮畢盡置法酒謂不飲之至醉諸侍坐殿上皆伏抑首抑屈也謂

如儀者轍引去境朝置酒無敢謹譁失禮者於是高帝曰吾乃

今日知為天子之貴也

武帝元封五年春南巡狩還增封泰山因朝諸侯王列諸侯舜

郡國計計若今諸

大初元年春受寄於其泉

天漢四年正月朝諸侯王於其泉宮

後元二年正月朝諸侯王於其泉宮

宣帝神爵元年六月詔曰軍旅暴露輸轉煩勞其令諸侯于列

侯蠻夷王侯君長朝二年者皆毋朝

後漢安帝永初四年正月元日會徹樂不陳充庭車每大朝會必陳法物

車輦於庭故言充庭車以言飢故不陳

魏齊王景初三年正月即位七月親臨朝聽公卿奏事

晉武帝泰始六年正月丁亥朔帝臨軒不設樂史不載其故

元帝大興元年正月戊申朔臨懸而不樂時愍帝蒙塵

明帝大寧元年三月戊寅朔改元臨軒

二年正月丁丑帝臨朝停饗晏之禮

穆帝永和六年正月帝臨朝以褚裒喪故懸而不樂褚裒康獻褚古之父

七年正月丁酉朔日有食之先是廷尉王彪文與揚州刺史設

浩書曰大史上元日合朔談者或有疑應却會與不昔建元元

年亦元日合朔庚車騎馬劉孔才所論以示八座于時朝議有

謂孔才所謂為不得禮儀苟令從之是勝人之一失也何者禮

云諸侯旅見天子入門不得終禮而廢者四大廟火日蝕后之

喪雨露服失容尋此四事之指自謂諸侯雖已入門而卒暴有

之則不得終禮非為先存其事而微倖史官推行錯雜容不豫

廢朝禮也夫三辰有災莫大日蝕史官謹而無懼容不修豫防

之禮而廢消災之術方大饗華夷君臣相慶豈是將處天災罪

已之謂且檢之事實朝朔之儀至尊靜躬殿堂不聽政事冕服

御坐門闥之制與元會禮畢自不得兼行則當權其事宜合朔

之禮不輕於元會元會有可却之準合朔無可廢之儀謁應依

建元故事却元會浩從之竟却會

十年正月己酉朔帝臨朝以五陵未復懸而不樂

十二年正月丁卯帝臨朝以皇太后母喪懸而不樂

恭帝元熙元年正月壬辰朔改元以山陵未厝不朝會

後魏大武正平元年正月丙戌朔帝南伐臨江大會群臣於江

上

孝文大和十年正月癸亥朔帝始服袞冕朝饗方國

十五年十一月丙戌初罷小歲賀小歲謂冬至

十八年春正月丁未朔群臣於鄴宮澄鳶殿

十九年十二月丁未朔引見群臣於光極堂甲子又引見群臣

於光極堂頒賜冠服

出帝大昌元年十一月戊戌朝會百官於大極前殿

後周武帝保定五年春正月甲申朔廢朝以康國公王雄死王  
事故也

大和六年春正月己酉朔廢朝以露門未成故也

逮德三年正月壬戌朝群臣於露門

宣帝大象元年正月癸巳受朝於露門帝服通天冠絳紗袍群  
臣皆服漢魏衣服大赦改元

二年正月丁亥帝受朝於道會苑

唐高祖武德九年正月庚寅朔廢朝雨也

太宗貞觀十一年正月朔帝臨軒懸而不樂禮也為高祖憂也

十三年九月僕射房玄齡奏天下太平萬機事簡請三日一臨  
詔許之

十九年正月庚午朔帝常服不臨軒行幸洛陽宮衣冠禮樂闕故也

十二年正月甲子朔太宗常服不臨軒行在故也是年征遼迴

高祖貞觀二十三年即位九月十一日大尉無忌等春請視朝坐帝日報曰朕登大位日夕孜孜猶恐擁滯衆務自今已後每日常位

永徽二年八月二十九日下詔來月一日大極殿受朝此後每五日一度大極殿事視朝朔望即為常式

四年正月癸丑朔帝臨軒懸而不樂以漢王泰在殯故也

六年正月壬申親謁昭陵甲戌至自昭陵景子受朝賀於大極殿

顯慶二年二月大尉長孫無忌等奏以天下無虞請隔日視事許之

中宗神龍元年四月癸亥初令文武官五品以上每朔望參日并殿食景子以時屬炎暑制令每隔日方坐左於遺新常上疏

諫不納事具諫諍直諫門

二年正月景子朔以則天皇后梓宮在殯不朝會

睿宗大極元年正月癸丑釋衆服御正殿奏廣樂於庭受大皇子及百官朝賀

玄宗先天二年正月大上皇誥正月十五日朝改取十一日每年皆然又非朔望日而同朔望日受朝者前後有誥非一

開元四年正月戊寅朔帝御正殿受朝賀禮畢親朝大上皇於

西宮

五年正月壬寅朔帝不受朝大上皇喪制故也

七年正月辛丑朔御元含殿受朝伏衛如常儀

八年十一月中書門下奏曰伏以十四日冬至一陽初生萬物

潛動所以自古聖帝明王皆於此日朝萬國觀雲物禮之大者

莫逾是時其日亦祀圓丘皆令攝官行事質明既畢日出視朝

國家已來更無改易緣新格將其日記圓丘遂改用小冬至日

受朝若親拜南郊受朝須改既令攝祭理不可移伏請改正從

之因勅自今後冬至日受朝永為常式

十年正月癸卯朔御元含殿受朝賀

十一年十二月二十四日勅萬春公主薨廢元日朝賀

十六年正月戊戌朔始聽政于興慶宮朝賀如常儀

臣欽若等  
曰興宮慶

聽政自此始

十一月乙巳日南至御元含殿受朝賀

十八年正月癸酉御元含殿受百寮朝賀如常儀

二十一年正月庚子朔日有食之百如常儀

二十二年閏十一月壬子朔日有是之是日長至停朝癸未御

應天樓受朝賀是月詔諸州考使六品以下朔望日朝宜准例

賜食

三十三年正月戊申朔御元含殿朝賀如常儀

三十六年正月庚午朔御元含殿朝賀如常儀

三十八年正月戊子朔御元含殿朝賀如常儀

二十九年正月癸未朔御含元殿朝賀

天寶元年正月丁未朔御勤政樓受朝賀大赦天子改開元三

十年為天寶元年

二年正月辛丑朔御含元殿朝賀

三載正月丙申朔御含元殿受朝賀

四載正月己未朔御含元殿受朝賀

五載正月癸丑朔帝於含元殿受朝賀

六載正月丁丑朔御含元殿受朝賀是月詔曰今朕殘在運無

事為心願此朝儀當符至理既時非肝食將致昇平而廷設殺

刑何誠在宥其每日立杖食及杖鉞等並宜停廢

十一月辛卯引朝集使及貢舉人見

十二月丙寅仗下後百官於尚書省閱貢物

七載正月壬申朔於含元殿受朝賀

八載正月丙寅朔御含元殿受朝賀

九載正月辛卯朔帝於華清宮受朝賀

十載正月乙酉朔御含元殿受朝賀

十一月丙午冬至御觀風樓受朝賀

十一載正月己卯朔帝於華清宮受朝賀

十二載正月癸卯朔帝御含元殿受朝賀

十三載正月丁酉朔幸華清宮御觀風樓受朝賀

十四載正月庚申朔御含元殿受朝賀

十五載正月乙卯朔宣政殿受朝賀

肅宗至德三年正月甲戌朔御含元殿受朝百官上壽稱賀  
乾元二年十一月丁亥冬至帝朝聖王於興慶宮翌日受朝於  
含元殿

三年正月癸亥朔帝御含元殿受朝書中令代周公子儀攝大  
尉上壽稱賀朝退百寮於宣政殿起居聖王乙丑常服於崇明  
門通賀皇太子丙寅外命婦朝皇后於光順門內殿

上元元年正月丁亥朔御含元殿受朝賀禮畢百官起居聖皇  
已丑外命婦朝皇后百官賀皇太子

元年建子月壬午朔御含元殿受朝賀畢群臣起居聖王癸未  
內外命婦朝皇后百官起居皇太后戊戌冬至受朝賀禮畢朝  
皇后於西宮百官進名起居

代宗廣德二年正月乙亥朔御含元殿受朝賀如常儀

六月丁亥朔帝始御含元殿受朝以國表終至故也凡朔望日  
朝於前殿舊章也

九月一未朔自八月連雨至十日不止宰臣元載等奏曰准儀  
制令泥雨合停朝參今緣軍國事繫准式停朝恐有廢闕望延  
三刻傳點從之

十一月甲寅是日長至御含元殿受朝賀伏衛如常儀禮畢百  
官詣崇明門進名謁皇太子

永泰元年正月癸巳朔御含元殿下制大赦天下宣制畢乃受  
朝賀禮畢百官詣崇明門謁皇太子

十一月己未是日長至御含元殿受朝賀伏衛如常儀禮畢百

官詣崇明門進名謁皇太子

二年正月丁巳朔御含元殿受朝賀伏衛如常儀禮畢百官寮詣崇明門進名謁皇太子

十一月甲子長至含元殿下制大赦改元大曆宣制畢乃受朝賀禮畢百寮詣崇明門進名謁皇太子

大曆二年正月壬子朔御含元殿受朝賀伏衛如常儀禮畢百寮詣崇明門進名謁皇太子

十一月己巳長至御含元殿受朝賀伏衛如常儀禮畢百寮詣崇明門進名謁皇太子

三年正月庚午朔御含元殿受朝賀伏衛如常儀禮畢百寮詣崇明門進名謁皇太子

十一月甲戌長至御含元殿受朝賀伏衛如常儀禮畢百寮詣崇明門進名謁皇太子

八年正月丁丑朔御含元殿受朝賀伏衛如常儀禮畢百寮詣崇明門進名謁皇太子

閏十一月壬寅朔冬至御含元殿受朝賀伏衛如儀常禮畢百寮詣崇明門進名謁皇太子

九年正月庚子朔御含元殿受朝賀伏衛如常儀禮畢百寮詣崇明門進名謁皇太子是時四方無事間日坐朝雙日不復入閣

十一月丙午日長至詔停賀通梁葬期也

十年正月乙未朔御含元殿受朝賀伏衛如常儀禮畢百寮詣

崇明門進名謁皇太子

十一年正月庚寅朔御含元殿受朝賀伏衛如常儀禮畢百寮詣崇明門進名皇太子

十一月丁巳冬至御含元殿受朝賀伏衛如常儀禮畢百寮詣崇明門進名謁皇太子

十二年八月以久雨省常恭百寮不許御史點班

十三年正月戊申朔御含元殿受朝賀伏衛如常儀百寮詣崇明門進名謁皇太子

十一月丁卯長至命有司祀昊天上帝于南郊不視朝戊申上御含元殿受朝賀伏衛如常儀禮畢百寮詣崇明門進名謁皇太子

十四年正月壬寅朔御含元殿受朝賀伏衛如常儀禮畢百寮詣崇明門進名謁皇太子

德宗建中元年十一月辛酉朔朝集使及貢士見於宣政殿兵興以來四方州府上不計內外不會同者二十有五年至此始復舊典凡州府計吏至者一百七十有三又命朝集使二人每日待制丁丑日南至戊寅御含元殿受朝賀初令親王出閣就班

二年正月庚申朔御含元殿受朝賀四方貢賦珍寶列為廷實復舊制也

三年正月乙卯朔御含元殿受朝賀

四年正月戊寅朔御含元殿受朝賀禮畢以建中正元曆二十

八卷示百寮初司天少監徐承嗣奏來年歲次甲子應上元首  
請修新曆至是群臣稱賀

貞元元年七月閏中蝗食禾稼無孑遺穀大貴八月甲子詔不  
御正殿奏事悉於延英庚寅視朝於延英殿群臣列位於延英  
門外由甲子之詔也丁丑雨戊寅中書門下上言陛下前以憊  
陽經時避居正殿凡在正庶無任兢惶今至誠感通嘉雨露洽  
亮渠受首同類革心臣等敢昧死請自今以來依常儀御正殿  
詔曰可

十二月丁亥詔曰朕以眇身后列明聖不能纂修先志以洽升  
平馭致寇戎屢興兵革上玄降警蝗旱為災年不順成人方歎  
食言念於此實用傷懷是以齋心別宮與人祈穀雖陽和在候  
而黔首無聊稱慶於予竊所不敢其來年正月一日賀朝儀宜  
罷

三年正月丙戌朔停朝賀以大行皇后在殯故也庚寅百寮以  
停朝賀及是歲假滿於崇明門奉慰皇太子

四年正月庚戌朔御含元殿受朝賀禮畢御丹鳳門樓大赦天  
下

五年正月庚辰朔御含元殿受賀

六年正月癸卯朔不視朝先是有司奏元日日有蝕之遂停朝  
會及是不食百寮皆賀

五月丙寅朔上御紫宸殿受朝是先上以五月一陰生臣子道  
長君父道衰非善月也父子必以是朔面焉臣子一列因令是

日朝見初將冕服御宣政殿屬塗潦乃以常服御紫宸殿  
七年正月壬戌朔帝不視朝以去年冬親郊故也

四月詔曰仲夏之時陽德方盛陰事始成聖賢因天地交會之  
時為父子感覲之禮既行親戚豈隔君臣自我為初申卿士起  
今年五月朔御宣政殿召見文武百官九品以上外官因朝奏  
咸聽就列仍編入式以為常典

五月庚申朔御宣政殿朝見百官書親禮也

十一月丁亥日南至不視朝

八年正月丙辰朔御含元殿受朝賀

五月乙卯朔御宣正殿受朝賀

九年正月庚辰朔御含元殿受朝賀禮畢上賦退朝觀軍伏歸

營詩以示宰臣等

十年正月乙亥朔罷朝賀之禮以九年冬郊祀故也

十一年正月庚午朔御含元殿受朝賀五月朔帝御宣政殿堂  
朝

八月辛丑廢朝以故瑞王大妃薨故也

十一月丙申日南至不受朝賀

十二年正月甲午朔御含元殿受朝賀

十三年正月朔御含元殿受朝賀是月御史臺奏諸司常祭文

官隔假三日以上並橫行修假其武班每日先配九參六參九

謂每月九次朝參六比未或經冬至及歲寒食等三節假滿不

參謂每月六次朝參是本配入日並不橫行事實乖闕請從今已後每經三節假滿

縱不是本配入日其前件官請依文官例橫行參假無廣周行式序可之

五月丙戌朔以雨罷御宣政殿是月帝以累月天陰街鼓聲暗百官入朝多走馬奔馳是日含宣示宰臣及百官曰卿等朝謁是常或陰雨不聞鼓聲則不免奔波走馬忽有墜損深軫朕懷自今已後縱鼓聲差池亦不得走馬并時暑稍甚及雨雪泥潦亦量放朝衆宰臣等上表陳謝

十四年正月朔御含元殿受朝賀

五月朔御宣政殿受朝

十五年正月朔御含元殿朝賀五月朔以雨罷御宣政殿十一月罷冬至朝以興兵討蔡州吳少誠也

十六年正月朔御含元殿受朝賀

五月朔以雨罷御宣政殿是月壬戌以徐州節度張建封卒廢朝近例節度使帶僕射已上者卒廢朝三日尚書以下一日都圍練觀察使則否洎貞元八年嗣曹王臯李自良皆知節度帶尚書卒各輟朝三日至十四年樊澤僕射卒廢朝一日十五年點中觀察使王礎卒特為廢以例不定故書之

十一月戊戌以齊國大長公主薨廢朝三日己亥以義陽公主薨今月七日廢朝三日是月罷冬至朝賀以襄王第五男薨廢朝

十七年正月朔御含元殿受朝賀

十八年戊午朔大雨雪罷朝賀

十九年正月朔御含元殿受朝賀

二十年正月朔御含元殿受朝賀五月朔罷御宣政殿

二十一年正月朔御含元殿受朝賀

宣宗永貞元年十月丙申朔百寮於興慶宮起居皇太后

十一月乙亥朔南至百寮詣慶宮起居皇太后

二年正月丙寅帝率百寮於興慶宮奉冊太上皇尊號丁卯含元殿受朝賀

元和元年四月御史中丞武元衡奏正衙待制官兩員本置前官以備顧問比未正衙多不奏事又貞元七年更有次對難議兩置去歲次對以停則待制唯六品清官恐非盡善請自今已後尚書六品以上諸司四品以上職事官東宮師傳賓詹及王

傳等每日坐令兩人待制退詣延英侯對從之

十二月甲辰日南至權停朝賀群臣詣興慶宮稱賀皇太后

二年二月己巳宰臣英延罷對居舍人鄭隨次對召入面受進止令宣付兩省供給官自今已後有事即進狀來其次對宜停初貞元七年詔每御延英引見常參官二人訪以正道謂之對官所以廣聽視也宰臣奏罷時議非之

是年六月丁巳朔百官初入待漏院候禁門啓入朝故事建福望仙等門昏而闔五更而啓興諸里門同時至德中有土蕃內自金吾伏亡命因勅晚開宰相待漏於大僕寺車坊至是始命有司各據班品置院於建福門外

三年正月癸未朔以將受尊號元日權停朝參百官詣興慶宮

進名起居皇太后又赴延英門進名奉賀四月勅舊制五月一日御宣政殿受朝賀禮宜停初貞元六年德宗以五月一陰生臣子道長君父道衰非善月也胡人之父子必以是月朔面烏遂為常俗臣子一也因詔以是日御正殿與群臣相見其後每歲率多權停帝以數術之說經典不載遂罷之

十一月甲辰日南至權停朝賀群臣詣興慶宮奉賀皇太后四年正月戊寅朔御含元殿受朝賀禮畢百官詣興慶宮賀大后

五年正月壬寅朔御含元殿受朝賀

十二月制來年正月一日御含元殿受朝賀

六年正月丙申朔御含元殿受朝賀

十一月乙巳勅今年冬至朝賀宜權停

十二月庚午以苦寒放朝五日

閏十二月壬子勅來年正月一日御含元殿受朝賀興慶宮參賀皇太后並宜權停

七年正月辛酉朔帝不受朝賀以皇太子薨廢朝故也

四年二月開延英對宰臣以下是月以惠昭太子葬復多雨至是積旬有六日方坐朝

十二月戊戌朔勅來年正月一日御含元殿宜令所司准式甲寅晦宰臣並宿于中書

八年正月乙卯朔御含元殿受朝賀

十月丙申以大雪放朝三日

十一月庚戌朔甲寅勅權停冬至朝賀

九年正月己酉朔含元殿受朝百寮退詣皇太子于崇明門乃詣興慶宮候皇太后起居

六月癸酉以時暑甚放百官五日叅戊寅以豐州刺史天德軍經畧使周懷義卒廢朝一日經畧使廢朝自懷義始也

十年正月癸酉朔御含元殿受朝賀既退百官赴崇明門通刺謁皇太子又赴興慶宮候皇太后起居

三月壬申朔御延英殿召對宰臣故事朔望日皇帝御宣政殿見群臣謂之大朝玄宗始宗以朔望陵寢薦食不聽政其後遂以為常今之見宰臣特以事召也

六月勅御史臺自今已後常參官每入班以見到人名御進來其朔望及雙日莫進

十二月勅淮蔡未賓師旅暴露而三朝之會萬國未庭舉稱樂慶有懷愧惕其未朝正月朝賀宜權停諸軍憂賜並准例處分十一年正月丁卯朔不受朝賀宰臣率百官泊內外命婦起居皇太后於興慶宮

十二年正月辛酉朔以准右宿兵不受朝賀十月己卯隋唐節慶李愬帥師入蔡州執賊帥吳元濟以聞淮西平辛巳御宣政殿受朝九品以上及宗子四夷之使皆會

十三年正月乙酉朔御含元殿受朝賀畢御丹鳳樓大赦天下十四年正月乙酉朔不受朝賀以東討淄清李師道未班師故也

穆宗以元和十五年即位閏正月丁巳詔以二月五日御丹鳳樓宜令所司准式

二月辛巳大常礼院奏准礼及開元乾元上元和以來元日及冬至日皇帝御含元殿受朝賀礼畢百寮起皇太后所居殿門外進名候起居諸親及内外命婦並有朝會參賀之礼伏請准元和元年十月二十三日勅外命婦有邑號者每年元日冬至立夏立秋立冬並赴皇太后宮門進名奉參如遇泥雨即停制曰可

九月辛酉立冬外命赴興慶宮進名候皇太后起居

十一月丁未南至群臣及命婦赴興慶宮進名奉賀皇太后長慶元年四月甲午以張引請入幽州時幽州劉總納土詔以

引請代之帝御紫宸殿受朝賀

時綏定兩河克平交趾北虜納款西戎請明京師及四方類過

豐年天下暫獲晏如也時議者皆以河朔負固不來庭久矣至是不勞師而幽土底定庶幾小康而職者以為止我疆武皆資致理雖君有仁聖之資而股肱未稱政令之出中外不行既未有以厭於人心則成功不可以偶致稽諸倚伏深惧其兆乱焉

十一月丁酉以討鎮州勅權停今年冬至朝賀

二年正月癸巳朔以幽州阻兵不受朝賀

時幽州未克融因張引請鎮州王庭奏殺

田引宰臣率百官洎内外命婦候皇后起居於興慶宮

八月詔曰秋夏之間常多水潦如緣暮夜暴雨道路不通馬車宜便放其日期參委御史臺勾當仍每日奏如雨不至甚即不

此在例

十一月戊午日南至宰臣與百官洎内外命婦候皇太后起居于

興慶宮

新刊監本冊府元龜卷之一百七

新刊監本冊府元龜卷之一百八

帝王部 一百八

朝會第三

唐敬宗以長慶四年正月即位二月辛巳練服受群臣謁見於紫宸門西之外廊丁亥詔宜令三月三日御丹鳳樓仍令所司准式辛丑御紫宸殿群臣所奏入閣之儀五月詔停諸親王端午參賀十月癸巳禮儀使奏未月二十三日冬至准故事山陵未柑廟並不合行慶賞之儀其朝賀大皇后請停又十二月乙未勅奏未年正月一日朝賀宜權停

寶曆二年正月己巳朔含元殿受朝賀

文宗太和元年十一月甲申日南至宰臣率百寮泊外命婦詣

興慶宮及光順門行朝賀之禮其年不朝會准詣興慶宮是月光順門史闕文下同此中外進獻賀冬如常歲

二年正月戊申朔權停朝賀文武百寮及命婦並赴興慶宮及光順門起居大皇太后義安大皇后十一月己丑日南至宰臣及百寮詣興慶宮光順門進名起居

三年五月乙酉以滄州李同捷平百寮稱賀於宣政殿十一月辛巳冬至朝賀遇郊祀並停

四年正月丙子朔權停朝賀之禮中書門下及文武百寮起興慶宮光順門奉賀大皇太后如常儀

五年正月庚子朔以陰雨連旬罷元會之禮

十一月壬辰勅陰雪未晴其來年正月一日朝賀宜權停

六年正月乙未朔以前詔廢元會

七年正月己丑朔御含元殿受朝賀禮畢百寮赴興慶宮賀大皇太后義安太后光順門賀皇太后比年以大雪未行元會之儀至是文物大備中外慶悅

十一月癸丑朔乙卯日南至宰臣文武百寮及命婦赴興慶宮賀大皇太后義安太后迴赴光順門賀皇太后

八年正月癸丑朔百寮延英進名起居又詣光順門賀皇太后興慶宮賀大皇太后義安太后十一月庚申日南至宰臣率百寮等奉賀如常儀

九年正月丁未朔權停朝賀之禮宰臣率百寮詣興慶宮賀大皇太后義安太后光順門賀皇太后

開成元年正月己酉詔以入閣日對官班退立於東階松樹下  
至宰臣奏事畢齊至香案前各言本司事右左起居又待次對  
官奏事畢方出

二年正月乙丑朔權停朝賀之禮宰臣率百寮詣興慶宮賀大  
皇太后義安太后復列班於光順門賀皇太后

十一月丙子日南至百寮及命婦並赴南內起居大皇太后義  
安太后迴赴光順門起居大皇后

三年正月庚申朔權停朝賀之禮宰臣及文武百寮於南內進  
名奏賀大皇太后義安太后迴於光順門進名賀皇太后如常  
儀

懿宗感通七年正月戊寅朔以大皇太后喪罷元會

十年正月己未朔以徐泗用兵罷元會

昭宗天腹二年十一月詔曰漢宣帝中興五日一聽朝歷代通  
規永為常式近則不循往議因此別為制度既姦邪之得計致  
臨事之失常須守舊規以循國制宜每月共計一五九日開延  
英計九度其入閣日仍於延英內一度指揮如或有火段公事  
中書門下具榜子奏請開延英不繫日事

十二月勅宮嬪女職本備內任處近年以來稍失儀制宮人出  
內宣命寮銜茶隨視朝乃失舊規須為永制今後每遇延英坐  
朝日命小黃門祇候引從宮人不得擅出內庶循典儀免制紛  
雜

三年五月中書門下文武百寮舊制每月一度入閣於貞觀殿

朝參勅曰貞觀大殿朝廷止衙遇至正之辰受群臣朝賀俾循  
規制須有指揮其入閣自今後宜令宰臣文武百官於崇勳殿  
候對

十一月文武兩班官員每遇一五九朝日元帥朱全忠請排廊  
食詔曰百寮入朝兩廊賜食遷都之後所司闕供元帥梁王欲  
整大綱復行故事用思勞費悉自再圖是使端簡在庭咸思感  
悅我冠毅列益認優隆倫覩宏規彌增歛嘆宜賜獎飭任付所  
司

哀帝天祐二年四月勅自今年五月一日後常朝出入取東上  
閣門或遇奉慰郎開西上閣門永為定制

後唐莊宗同光元年十一月丁未日長至帝不受朝駕百官詣

東上閣門拜表稱慶

議者以為長至元會歲中之大朝期為盛

當陽昭國容也兵興以來而斯禮或闕帝  
初一至夏復唐典禮無故輟焉議者惜之

十二月書中門下奏

每日常朝百官皆拜獨兩省官不拜准本朝百事朝退於廊下  
賜食為之廊滄百官遂有謝食拜唯兩省官本省有厨不赴廊  
滄故不拜伏自僖宗幸蜀迴以多事之後遂廢廊滄百官拜儀  
至今未改將五十載禮恐難停唯兩省官獨尚不拜豈可終日  
趨朝曾不一拜獨班列有所異同者言官是也近臣於尤宜肅  
敬起今後遂日常朝宣不生除職事官押班不拜外其兩省官  
於東西兩班並齊拜從之

二年正月庚子朔帝褰冕御明堂殿受朝賀大常樂左右金吾  
仗六將諸衛如常早是月庚申四方館奏常朝諸職員多有參

雜令後隨駕將校外方進奉專使文武兩班三品以上官可於  
內殿對見其餘並詣正衙以申常禮從之

七月戊戌朔帝御文明殿視朝

八月癸巳宣旨放三日朝參以霖雨甚故也

十一月乙未朔帝御文明殿視朝

三年三月甲午朔帝御明堂受朝賀如常儀是月庚子車駕幸  
鄴都庚戌車駕至帝自千秋亭乘輦備法駕晚歸宮辛亥帝御  
武德殿受朝賀以百官扈從之勞放十九日至二十一日朝參

三月癸巳朔車駕在鄴帝御武德殿視朝

是月車駕還洛都

六月壬戌朔帝御文明殿視朝癸酉勅泥塗稍甚放文武常參  
官朝參三日丁亥以霖雨放朝

七月乙未勅霖雨未止泥塗頗甚宜放五日六日朝參戊戌勅  
泥塗頗甚放八日九日朝參丁亥以霖雨放朝

八月乙丑勅如聞天津橋未通往來百官以舟船濟渡因茲傾  
覆兼倍泥塗自今文武百官三日一趨朝宰臣即每日中書視

事閏十二月己丑朔帝御文明殿視朝

四年正月乙亥勅風雪稍甚宜放三日朝參

明宗天成元年四月入洛陽甲寅始御文明殿改元賜赦

五月丁巳內出御札一封賜宰臣曉示文武百寮每日正衙常  
朝外五日一度赴內殿起居宰臣百官班於文明殿庭謝其中  
書非時有急切公事請開延英不在此限乙酉勅每月十五日  
賜廊下食本朝承平時參官每日朝退賜食廊下謂之廊食自

乾符亂離已後庶事草創百司經費不足無每日之賜但遇月旦入閣日賜食帝初即位始因諫官奏疏請文武百寮五日一起居見帝於便殿李琪以為非故事以五日為繁請每月朔望日皆入閣賜廊下食罷五日起居之儀至是宣旨月朔望皆入閣依奏五日一度起居不得停廢遂以為常

七月己卯朔帝御文明殿視朝

八月壬辰以積雨泥甚於百寮朝參己亥帝御文明殿百官入閣如月朔之儀從新例也

九月丙寅帝御文明殿入閣新制次日例也

十月甲申朔帝御文明殿受朝己亥帝御文明對南詔蠻兩林

鬼主等百寮稱賀

是月右拾遺曹琛上疏內一件百寮朔望入閣及五日一度內殿起居諸許三署寺監官

輪次轉對奏事從之

十一月甲寅朔帝御文明殿癸亥日南至帝御文明殿百寮稱賀

十二月甲申朔帝御文明殿見百寮

二年正月癸丑朔帝被袞冕法服御明堂殿百寮稱賀文物仗衛禮樂如常儀丙申勅曰君使臣以禮臣事君以忠禮不可一日不脩忠不可一夕不念二者全則上下順一塗廢則出入差須振紀維綱以嚴規矩凡在策名之例皆之辯色之朝儻不夙興是虧匪懈君上思政猶自求衣未明為下服勤固合假寢待旦宜令御史臺徧示文武兩班自此每日早赴朝參職司既得整齊公事的無擁滯如或尚茲懈怠具錄奏聞

三月壬子朔帝御文明殿視朝

四月乙未朔帝御文明殿視朝

五月辛亥朔帝御文明殿視朝戊辰帝御文明殿受朝

六月庚辰朔帝御文明殿視朝甲午帝御文明殿受朝

七月庚戌朔帝御文明殿視朝戊辰帝御文明殿受朝甲戌百

官朝於中興殿

八月庚辰百官朝於中興殿癸巳帝御文明殿視朝

九月庚戌帝御文明殿視朝庚申百官朝於中興殿癸亥帝御

文明殿視朝丙子百官朝於中興殿

十月己卯朔帝御文明殿視朝乙酉帝興汴州甲午車駕在汴御崇元

殿視朝

十一月戊申朔帝御崇元殿視朝壬戌帝御崇元殿視朝壬辰

日南至百官詣閣門拜表稱賀

十二月戊寅朔帝御崇元殿視朝戊子百官朝於玄德殿壬辰

帝御崇元殿視朝

二年正月戊申朔帝御崇元殿受朝賀禮樂仗衛如常儀甲子

帝御崇元殿視朝

二年正月戊申朔帝御崇元殿視朝丁酉百官朝於玄德殿

三月丁未朔帝御崇元殿視朝

肆月丁丑朔帝御崇元殿視朝

五月乙巳朔帝御崇元殿視朝己未帝御崇元殿視朝

六月甲戌朔帝御崇元殿視朝戊子帝御崇元殿視朝

七月庚辰朔帝御崇元殿視朝

八月癸酉朔帝御崇元殿視朝

閏八月癸卯朔帝御元殿視朝

九月甲戌帝御崇元殿視朝

十月壬寅朔帝御崇元殿視朝丁巳帝御崇元殿視朝壬戌中

書奏按貞元四年中書侍郎李泌奏冬至日受朝賀請准元日

從之

十一月癸酉冬至帝御崇元殿受朝賀仗衛如常儀

是月中舍人劉替奏

稱往例應諸道節度使及兩班大寮凡對朝廷例合通喚近日廢此儀仗此持所司重定向未格品若合通喚准舊施行尋准四方館狀稱舊例節度使除中謝及罷任赴闕朝見合得通喚文班三品以上武官二品以上新除中謝及使回朝見合得通喚從  
丙戌帝御崇文殿視

十二月丙午帝御崇元殿視朝癸巳中書以常朝宣奉勅不生

兩省官於東西班並拜宰臣不拜或聞班行所論承前日所廊

飡百官謝食兩省即各有常厨從來不拜或云以侍臣不拜檢

尋故實不見明規百寮拜為廊食即承旨合宣勅有賜食供奉

官不拜亦恐非儀且左右前後之臣日面天顏豈可不拜况庶

官見宰臣隔宿並拜實以赴朝不拜非礼也聞勅不拜亦非礼

也所宜尽敬以奉君親臣等商量今後常朝宰臣亦拜通事舍

人亦拜閣外放仗亦拜從之壬戌帝御崇元殿視朝

四年正月壬申朔帝御崇元殿受朝賀仗衛如常儀

二月壬寅帝御崇元殿視朝

是月庚午車駕還洛

三月乙酉帝御文明殿視朝

四月書中門下奏五月一日入閣起居准貞元七年正月二十  
八日勅昔者聖賢觀象因天地交會之次為父子相見之儀沿  
習成風古今不場王者制事在於因人的其情而使中順其俗  
以為礼咸覲之儀既行父子之間資事之情豈隔君臣之際自  
今後每年五月一日御宣政殿與文武百寮相見京官九品已  
上外官因朝奏在京者並聽就列宜今所司量定儀注頒示天  
下仍編禮式永著常規者儻以本朝舊制近代不行方當開泰  
之期難曠會同之礼宜興墜典以耀明庭五月一日應在京九  
品以上官及諸進奉使並准貞元七年勅就位起居自在每年  
永為常式者奉勅宜依

五月己巳朔帝御文明殿視朝癸未帝御文明殿視朝

六月戊戌朔帝御文明殿視朝壬子帝御文明殿視朝

七月戊辰朔帝御文明殿視朝

八月丁酉帝御文明殿視朝辛亥以霖雨甚宜旨放入閣

九月戊辰帝御文明殿視朝辛巳帝御文明殿見百寮

十月丙申朔帝御文明殿視朝

十一月丙寅朔帝御文明殿視朝己卯日長帝御文明殿受朝  
賀樂懸仗御如常儀

十二月丙申朔帝御文明殿視朝

長興元年正月丙寅朔帝御明堂殿受朝賀樂懸仗衛如常儀  
二月乙未朔常御文明殿視朝

是月郊祀畢丙辰勅宜放兩日常參以百官行事之勞故也

四月甲午朔帝御文明殿視朝  
五月甲子朔帝御文明殿視朝

七月壬戌朔帝御文明殿視朝庚寅詔諸州得替防禦團練使  
刺史並宜於班行比擬如未有負闕可隨常叅官逐日立班新  
例也

八月壬辰朔帝御文明殿視朝  
十月辛卯朔帝御文明殿視朝

十一月甲申日長至帝御文明殿受朝賀樂懸仗衛如常儀  
二年正月庚寅朔帝御明殿受朝賀如常儀

四月庚寅帝御文明殿視朝癸卯帝御文明殿視朝  
五月戊午朔帝御文明殿視朝

閏五月壬子朔帝御文明殿視朝

六月辛巳朔帝御文明殿視朝  
七月丙戌朔帝御文明殿視朝

八月丙辰朔帝御文明殿視朝庚午帝御文明殿視朝癸酉詔  
文武百官五日內殿起居仍舊輪次對宜停若有封事許非時  
上表朔望入閣侍制候對一依舊制

九月己亥帝御文明殿視朝

十月乙卯朔帝御文明殿視朝

十一月甲申朔帝不視朝先是司天奏朔日合日食二分伏緣  
所蝕之分数微少太陽光影相爍不辯虧缺伏請十一月一日  
不入閣百官不守司故不視朝己丑日長至帝御文明殿百寮

稱賀

十二月庚申左諫儀大夫盧損上言前任節度刺史防禦等使請五日隨例起居並從之

三年正月癸未朔帝御明堂殿受朝賀禮樂仗衛如式庚子帝御文明殿視朝

二月甲寅帝御文明殿視朝戊申帝御文明殿視朝

三月癸未朔帝御文明殿視朝群臣入門遇雨而罷乙酉勅文武兩班每遇入閣從班並賜酒食從前臺官及諸朝官皆在敷政門外兩廊下就食唯有省官於敷政門內既為隔門各不相見致行坐不齊難於整肅起今後每遇入閣賜食北省官亦宜令於敷政門外東廊設席以北為首待班齊一時就坐

四月甲寅朔帝御文明殿視朝

五月壬午朔帝御文明殿視朝

六月己未勅以霖雨經旬街衢泥濘文武兩班宜放今月八日

朝祭甲子朔勅放二日朝祭大雨故也丙寅帝御文明殿視朝

八月庚戌朔帝御文明殿視朝

九月乙酉帝見群臣於端明殿

十一月己卯朔帝御文明殿視朝甲子日長至帝御文明殿百

寮稱賀

十二月戊申朔帝御文明殿視朝

四年正月戊寅朔帝御明堂殿百寮稱賀乙未帝見百寮於中興殿

五月丙子朔帝法服御文明殿百寮具朝服稱賀庚寅帝見百  
寮於文明殿

六月丙申朔帝御文明殿視朝丙寅帝見百寮於廣壽殿時帝  
不豫旬日至是稱平帝勤於聽政接臣下無倦

九月甲戌朔帝御文明殿視朝

十月甲辰朔雨不視朝

十二月癸酉朔帝御文明殿視朝

閔帝長興四年十二月癸酉朔即位其月辛未御中興殿群臣

列位

時馮道升階進酒帝曰此於此物無愛除實友之  
會不近搏竿况在沉痛之中安事飲啜命撤之

應順元年春正月壬申帝御廣壽殿視朝其月戊寅帝御明堂  
殿仗衛如常儀宮懸作樂群臣朝服就位宣制大赦改元

閏正月癸卯帝御文明殿入閣

末帝清泰元年四月乙酉帝服袞冕御明堂殿文武百官朝服  
就例改應順為清泰是月庚寅中書門下上言大常以五月朔  
御明堂受朝三日夏至祀城隍祇前二日奏告獻祖室不坐比  
正旦冬至是日有祀事則次日受朝今祀在五鼓前質明行礼  
畢御殿在始旦後請比例行之詔曰日出御殿與祀事無防宜  
依常年例

五月庚子朔御文明殿視朝

六月辛卯御史中丞張鵬奏文帝常參官入閣日廊下設食每  
宜放仗拜後就食相承以為謝食拜臣以每日常朝宣不坐後  
拜退豈謝食之謂乎如臣所見自今宣放仗拜後且就次候將

設食別降使於敷政門外宣賜酒食群臣謝恩後食從之

十月庚子大常言冬至不視朝百寮表賀是日大府設表案席褥禮部進表至閣門班首一負跪表受閣門使群具拜舞蹈拜訖表入久之閣門使出宣曰履長之慶與卿等同之群臣復拜舞訖而退

十一月乙巳御史臺奏前任節度防禦團練使等刺史行軍副使近儀五日一度內殿起居皆綴班序立元係班簿雖曰便殿起居其遇全班起居時亦合綴班從之

三年三月庚戌御文明殿群臣入閣刑法官劇可久待制官李慎儀次對

十二年戊寅大常言來年正月元日合御明堂受朝賀其日上祀昊天上帝于南郊以禮大祀不坐詔曰其祀事在質明前儀仗在日出後事不相妨宜依常年受賀

三年春正月辛卯始御文明殿陳樂懸仗衛受朝賀班退進名賀皇太后

三月庚子詔閣門陳內外官吏對見例應諸州差判官將軍貢奉到闕無例朝見以名御奏放門見賜酒食得面詔進榜子放門辭臣令後欲只令朝見餘依舊規應除諸道兩使判官推巡無例中謝奏過放謝放辭如得替歸京無例見臣欲今後除兩使判官許中謝門辭其書記已下除替請依舊規應文武朝官除受文五品武四品已上並中謝已下無例對謝以天成四年正月勅凡朝官新授並中謝欲以此例應諸道節度使差判官

將軍進奉到闕朝見候得回詔下榜子奏過令門辭應諸道都押牙馬步都虞候鎮將替到京無例見或在京授任無例中謝進榜子放謝放辭應諸道商稅鹽麴諸色務官或在京差補亦放謝放辭得替歸京亦無見例在京商稅鹽麴兩軍卽許中謝應新除令錄並中謝次日放門辭兼有口宣誠勵應文武兩班吊祭使及告廟祠祭只於正衙辭見不赴內殿諸道差進奏官到闕得見已後請假得替進榜子放門辭已前六件望舊例行從之

晉高祖天福元年十一月御北京崇元殿改元

二年正月甲寅朔帝御文明殿受文武百寮朝賀

三月己未御史臺奏唐朝定令式南衙常祭文武百寮每日賀

退於廊下賜食謂之常食自唐末亂離常食漸廢仍於常閣起居日賜食每日閣禮畢閣門宣放仗群臣俱拜謂之謝食至僞主清泰元年中入閣禮畢更差中使至正衙門口宣賜食百寮立班重謝此則校失有唐常食之意於禮實為大煩臣恐因循漸失根本起今後入閣賜食望不差中使口宣請准唐明宗朝事例處分從之

四月丙午御史臺奏文武百官每五日一度內殿起居在京城時百官於朝堂幕次自文明殿門入穿文明殿庭入東上閣門至天福殿序班今隨駕百官自到行朝每御起居日於幕次東出昇龍門與諸色人排肩雜進自外繚繞方入內門臣竊見昇龍門外庭宇不寬人徒大集或是諸司掌事或是諸道使臣方

集貢輪不可止約若令與衣冠雜進朝事並趨則恐有壞天常  
且朝序權時之義事理難安起今後每遇百官赴內殿起居日  
請依在京事體百官於幕次自正衙入東出橫門既協京國常  
儀兼在行朝便穩從之庚戌御史臺奏文武百寮每月朔望入  
門禮畢賜廊下食在京時祇於朝堂幕次兩廊下今在行朝於  
正衙門外權為幕次房廊湫溢間駕絕少伏恐五月一朝會禮  
畢准例入食郎與幕次雜為排比伏見唐明宗時兩省官於文  
明殿前廊下賜食今未審每遇入閣日權於正衙內兩廊下排  
比賜食為復別有處分者勅旨宜依明宗舊規五月壬子朔帝  
御崇元殿備大常樂受文武百官朝賀  
六月甲午大妃將至行闕放文武朝一日

十一月中書奏准唐貞元二年九月五日勅文武充翰林學士  
及皇太子諸王侍讀武官充禁軍職事並不常朝參其在三館  
等諸職事者並朝參訖各歸所務者自累朝以來文武在內庭  
充職兼判三司或帶職額及六軍判官等例不赴常朝元無正  
勅准近勅文武職事官未昇朝者按舊制並赴朔望朝參其翰  
林學士侍讀三館諸職事准元勅處分其諸在內庭諸司徒等  
每授正官之時未赴正衙謝後不赴常朝大會不離禁廷位次  
三次官職免常朝唯赴大朝會其京司未昇朝官祇赴朔望參  
帶諸司職掌者不在此例文武除端明殿翰林學士樞密院學  
士中書省職知制詔外有兼官兼職者仍各發遣本司公事可  
之

三年正月戊申朔帝御崇元殿受賀杖衛如式

五月丁未朔帝御崇元殿奏大常樂受文武百官三王後三格皇親蕃客等朝賀

十一月丙寅冬至帝御崇元殿受朝賀

四年正月癸卯朔帝御崇元殿受朝賀杖衛如式

五月壬寅朔帝受朝於崇元殿

七月壬寅朔帝御崇元殿百官入閣如常禮朔不入閣日蝕故也

閏七月庚子朔百官不入閣雨故也

十二月丁酉朔百官不入閣大雪故也

五年正月丁卯朔帝御崇元殿朝賀杖衛如式壬辰馮道奏曰

宰臣朝見辭謝在朝堂橫街之南逮至餘官則悉於崇元門內夫表著之例豈可踰之故古先明王必正其位服此實事因偶爾習以為常又入閣禮畢之時群官退於門外定班如初候宣放仗唯翰林學士前任邸守等不隨百辟即時出此二者禮懋序失其使正之帝深然其言於是下詔曰官爵之班即分上下見謝之位豈有異同宜恪通規以定其制今後宰臣使相朝見辭謝並於崇元門內與諸官同行異位一時列拜假開橫行即從舊例又入閣之儀序班為重宣喚則齊趨正殿放仗則各出朝門何起居之禮即同而進退之規有異及翰林學士及前任邸守等今後入閣退朝宜依百官班制

十一月冬至帝受朝於崇元殿王公上壽

六年春正月辛酉朔帝受朝於崇元殿

七月己未朔帝御崇元殿視朝

七年春正月丙辰朔帝不受朝賀用兵故也

五月己亥書中門下奏時屬炎蒸事宜簡省應五日百官起居  
郎命押班宰臣一員押百官班及轉對官兩員封事付閣門使  
引進本官起居後隨百寮退不用別出謝恩其文武內外官寮  
乞假寧觀般家及婚喪病損並門見辭諸道進奉等不用殿前  
排列引進使引至殿前奉云某等進奉奏訖某進奉物便云某  
進進奉專使朝見自班首一人致詞都附起居刺使州并行軍  
副使諸道馬步軍都指揮使已下差人到闕並門見門辭州縣  
官謝恩日甲頭一人致詞不用逐人告官其供給官殿直等

如是當直及合於殿前排立者即如起居不當直排立者不用  
每日起居委宣徽院專切點檢常須齊整從之

少帝開運元年七月辛未朔帝御崇元殿八月癸卯倉部郎中  
知制誥陶穀奏內外臣寮正衙辭謝內則諸司小吏與宰相差  
肩外則屬郡末寮共元戎接武欲望宰臣使相依舊押班其郡  
首藩侯臺省少監長吏等不得令部內本司卑冗官員同班辭  
謝勅從其奏

十一月乙亥吏部侍郎張詔遠奏文武常參官每日於正衙立  
班各門使宣不坐後百寮俱拜舊制唯押班宰相押仗御史通  
事舍人各負從舉贊揚所以不隨庶官俱拜自唐大成末議者  
不悉朝儀遽舊違典遂今押班之職一例折腰此則深忽禮文

殊非故實且宰相居庶寮之首御史持百職之綱嚴肅禁庭糾繩班列慮於拜揖之際或爽進退之宜於是凝立靜覲檢其去就若令旅拜旅揖實恐非宜况事要酌中恭須近禮人臣愛主在於斯其通事舍人職司贊導比者兩班進退皆相其儀今則在文班武班之前居一品二品已上卜端笏齊拜禮實未聞其押班宰相押杖御史通事並請依天成三年已前禮例施行無至差忒殿中侍御史賈玄珪奏是非既異沿革不同舉之則雖有舊規考之則全無故實且夫酌人心而制禮依神道而設教此乃京國之大端也况通事舍人居贊導之職押杖御史當糾察之司一則示於紀綱一則防於謬悞所以靜察進退詳視等威實非抗禮於庭所謂各司其局俾令不拜雅合其宜伏三宰相押班率十官而設拜起居內殿統百辟以致詞儀刑文武之班表式鴈鷺之列不得比贊導之職詎可同糾察之司統冠群寮所宜列拜臣位居憲府迹厠同班言或庶其得中罪難逃於多上帝從之

二年春正月戊戌朔帝不受朝賀不豫故也

六月乙丑朔帝御崇元殿百官入閣

漢高祖乾祐元年正月辛亥朔帝不受朝賀

二年五月壬申書中舍人艾穎上言近一月兩度入閣五日一

度起居近年以來入閣多廢每遇朔望不面天顏臣請今後朔望入閣即從常禮如不入閣即請朔望起居冀面聖顏以伸誠

敬

史臣曰天子居再暮服內雖終易月之制而猶晏不舉樂朔不視朝近古禮也艾穎請朔望相見於禮非宜

周太祖廣順年元四月壬辰朔御廣政殿群臣起居十月壬寅  
雪尺餘放朝

二年五月丙辰朔帝御崇元殿受朝仗衛如儀

十一月癸丑朔入閣己卯日南至帝御崇元殿群臣服朝服稱  
贊退班於永福殿庭上壽群臣酒三爵而罷

三年正月壬子朔帝御崇元殿群臣朝賀樂懸仗衛如常儀班  
退太祖御永福殿宰臣宰百寮稱觴獻壽舉教坊樂旋幸大平  
宮起居藻太后

五月乙卯朔帝服袞冕御崇元殿受群臣朝服班於位倍位官  
樂懸仗衛如儀

十一月乙酉日南至帝不受朝賀群臣閣門拜表班退賜茶酒

世宗顯德元年八月壬寅朔帝御崇元殿文武百寮入閣仗衛  
如儀

十一月辛未朔御崇元殿文武百寮入閣仗衛如儀庚寅日南  
至帝不御殿文武百寮詣閣拜表稱賀

二年春正月辛未朔帝不御殿宰臣率百官拜表賀稱

四月己亥帝御崇元殿文武百官入閣仗衛如儀

八月丁酉朔帝御崇元殿百官入閣如儀

三年春正月乙未朔帝不御殿文武百官詣閣進名稱賀

六月壬戌朔帝御崇元殿文武百官入閣仗衛如儀

十一月庚子日南至帝不御殿以宣懿皇后之喪在近故也宰  
臣率百官詣門拜表稱賀

四年正月己丑朔帝御崇元殿受朝賀禮畢御廣政殿群官上壽並如常儀

二月辛酉詔曰文武百寮起今後每遇入閣日宜賜節食此有唐之舊制也自晉氏多故寢而不行上以寵待庭臣故復有是

命

五月丁亥朔帝御崇元殿視朝大常樂懸金吾仗衛如儀

八月己卯朔帝御崇元殿文武百官入閣如儀既罷賜百官廊食時帝御廣政殿西樓以觀焉命中黃門閱視酒饌無不腆者五年春正月癸未朔帝在楚州西北衣戎服御帳殿受宰臣已下稱賀

五月辛巳朔帝御崇元殿今吾仗衛大常樂如儀

十一月辛亥日南至帝御崇元殿受朝賀金吾仗衛大常樂懸如儀禮畢宰臣率百寮常服詣永德殿上壽而退

六年春正月丁未朔帝御崇元殿受朝賀今吾仗衛大常樂懸如儀

新刊監本冊府元龜卷之一百九

王帝部一百九

宴享

傳曰享以訓恭儉宴以示慈惠恭儉以慈禮慈惠以布政故享  
有體薦宴有拆俎王室之禮也夏啓鈞臺之會周文在鎬之飲  
皆記之冊書而行於雅頌行世或諸侯歸時事於宰旅四夷奉  
國珍於外府序賓以昭德頒勞以榮勲習射以講禮時巡而展  
義或彌節故里臨饗父老或周覽都畿飫賜官屬至於五兵銷  
偃品物茂遂乃置酒高會合飲成禮奉觴上壽加以贈賄上賜之  
以景福下報之以尽心此王之盛典也易著需雲之象書記橐  
飫之篇詩公尸燕飲福祿未為皆宴衍之謂矣

周文王燕群臣嘉賓既以飲食之又實弊帛箱篚以將其厚意故有鹿鳴之詩

武文於鎬樂八音之樂與群臣飲酒故魚藻之詩曰王在在鎬

豈樂飲酒豈以樂也

平王時虢公晉侯朝王王饗禮命之宥王之觀群侯始則行饗禮先治體酒示不忘古

飲宴則命以備物宥助也皆賜玉五穀馬三疋非禮也王命諸侯名不同禮亦

異教不以禮假人

襄王時晉侯朝王王享體命之宥

定王時晉侯使士會平王室王享之王原襄公禮原襄公禮也大夫相佐也

敬蒸蒸升也升武子私問其故享當體薦而敬薦而怪問王聞

之召武子曰季氏而弗聞乎王享有體薦享則半解其體而宴薦之所以示其儉

有折俎體解節而升之於俎物皆可食所以示其惠也公有享卿當宴王室之禮也謂公

諸侯武子歸而講求典禮以修晉國之法言典禮謂禮之廢久也

景王時晉荀躒如周葵穆后籍談為介既葵除喪以文伯宴樽

以魯壺文伯荀躒也魯壺文所獻壺樽也

漢高祖四年十一月帝自成臯西入關至櫟陽存問父老置酒

留四日復如軍

五年五月共皆罷歸帝置酒頌陽南宮

六年三月帝置酒封雍廕因趣丞相定功行封

七年十月長樂宮成群臣朝禮畢盡伏置法酒法酒言禮樂飲之不至醉以

尊卑起上壽九行觴謁者言罷酒御史格法舉不如儀輒引去

竟朝置酒無敢諠譁失礼者

九年十月置酒前殿帝奉王卮為大上皇壽曰始大臣常以臣  
亡賴不能治產業不如仲力今某之業所就孰與仲多殿上群  
臣皆稱萬歲大笑為樂

十二年十月帝破黥布軍還過沛留置酒沛公召故人父老子  
弟佐酒發沛中兕得不二十人教之歌酒酣帝擊節自歌曰大  
風起兮雲飛揚威如海內兮歸故鄉安得猛士兮守四方令兕  
皆和習之帝乃起舞慨愷傷懷泣數行下謂沛父兄曰游子悲

鄉沛父老諸母故人曰樂飲

言曰曰  
樂飲者

極歡道舊政為笑樂十

餘日帝欲去沛沛中空縣皆之邑西獻帝畱止張飲三日

武帝大始三年四月行幸甘泉宮饗外國客

五月還幸建章宮大置天下

昭帝元鳳二年四月自建章徒未央宮大置酒

元帝建昭四年正月以誅郅文單于告祠郊廟赦天下群臣上

壽置酒以圖書示後宮貴人

討郅支  
圖書也

後漢光武建武三年十月幸春陵因置酒舊宅大會故人父老  
六年二月大司馬吳漢援胸獲董憲龐薊山東悉平諸將還京  
師置酒賞賜

十三年四月大司馬吳漢平公孫述自蜀還京師於是大饗將

士班勞策勲

班布也謂編布勞未  
之未音力到切下同

十七年十月幸章陵祠舊宅觀田廬置酒作樂賞賜時宗室諸  
母因酣悅相與語曰文叔少時謹信與人不欺曲直唯柔耳帝  
聞之大笑曰吾理天下亦欲以柔道行

十九年九月兩巡狩幸汝南南頓縣舍置酒會賜吏人  
二十五年春四夷朝賀絡繹而至帝命大會勞享賜以珍寶  
明帝永平二年十月西巡狩幸長安有事於十一陵厝覽館邑  
會群縣吏勞賜作樂

三年十月從太后幸章陵觀舊廬置酒會陰鄧故人諸家子孫  
並受賞賜

十年閏四月幸南陽落祠宅禮召校官弟子作雅樂奏鹿鳴帝  
自御塤箎和之以娛嘉賓還幸南頓勞耒享三老官屬

章帝建初七年九月幸鄴勞享魏郡守令已下以至於三老闌  
闌走卒賜錢各有差

十月西巡狩幸長安進幸槐里又幸長平東至高陵而還每所  
到幸趣會郡縣吏人勞賜作樂

元和二年二月幸泰山辛未柴告岱宗遂觀東后享賜王侯群  
臣和帝永元十四年三月戊辰臨辟雍享射大赦天下

十五年十月戊辰幸章陵癸丑幸宗室於舊廬勞賜作樂

安帝延光三年二月辛卯幸泰山柴告岱癸巳勞賜郡縣作樂  
十月幸長安丁亥會三輔守令掾史於長安作樂

順帝陽嘉元年三月庚寅臨辟雍享射

永和二年十月丙午幸未央宮幸三輔郡縣都尉及官屬勞賜  
作樂

漢安二 六月遣行郎中將持節護送南單於守義王燮樓儲

歸南庭

單于先  
在京師

詔大常大鴻臚與諸國侍子於廣陽城門外

廣陽

洛陽城西祖會享賜作樂角抵百戲角抵之戲則魚龍爵馬之屬言兩兩相當以角而為抵對今之用古之角抵也帝幸胡桃宮觀之

桓帝延禧元年五月己酉大會公卿以下賞賜各有差

魏文帝初為魏王延康元年六月南征七月甲午軍次于譙大

饗六軍及醮父老百姓于邑東設伎樂百姓今日先王皆樂其

所生禮不忘其本譙霸王之邦真人本出其復譙租稅二年三

老吏民上壽日久而罷

明帝青龍二年八月幸壽春己大耀兵饗六軍

高貴鄉公甘露元年丙辰宴群臣於大極東堂

後魏道武登國七年正月辛未根山遂次黑鹽池饗群臣親諸

國貢使比之美水

三月甲子宴群臣於水濱

八年七月車駕臨幸新壇庚寅宴群臣講武

始皇二年正月己亥朔車駕魯昌城大饗群臣

明元永興四年四月己未宴群臣於西宮使各獻直言

五年十一月癸酉大饗於西宮

神瑞二年二月丁亥大饗於西宮

泰常五年正月庚戌朔自薛林東還至於屋竇城饗勞將士

七年二月丙戌車駕自雲中還大饗於西宮

大武始元二年九月丁卯以永安安樂二殿成大饗以洛之

太平真君五年二月庚辰行幸廬三月戊子大會鄒南

十年正月戊辰朔車駕在藻南代儒大享百寮

文成大安四年正月庚午於遼西黃山宮游晏數日親對高年  
勞問疾苦

二月丙子登碣山觀滄海大饗群臣於山上班賞進爵各有  
差

九月辛亥大華成殿丙寅饗群臣大赦天下

孝文大和元年十月癸酉宴京邑耆老年七十以上於大華殿  
賜以衣服

九年正月癸未享饗群臣於大華殿

十六年正月戊子朔饗群臣於大華殿帝始為王公興興起懸也  
而不樂以翌日祀敵文於明堂也

二月詔罷寒食享時壞大華殿經始大極殿十月庚戌太極殿成大享群臣

十七年正月壬子朔帝享百寮於大極殿

十八年五月詔罷五月五日七月七日享

十九年正月辛未朔車駕在懸瓠時帝南伐朝享群臣於方丈竹堂

樂作酒酣乃歌曰白日光天兮無不曜江左一隅獨未照彭城

王勰續歌曰願從聖明兮登衡會萬國馳誠混日外長蕪給事

黃門侍郎鄭懿歌曰雲雷大振兮天門關率土未賓一正曆中書

侍郎兼黃門侍郎刑璽歌曰舜舞十羽天下歸文德遠被莫不

思秘書丞兼中書侍郎鄭道昭歌曰皇風一鼓九地市載日依

天清六合帝又歌曰遵彼汝墳兮昔化真未若今日道風明黃

門侍郎兼司徒左長史宋葉歌曰文王政教兮暉江沼寧如大

化光四表帝謂道詔曰自比遷務雖猥與諸才雋不廢詠歌遂

命刑蠻摠集釵記

八月甲子引群臣歷宣殿堂初帝嘗詔四廟之子下建玄孫之  
胃申宗宴於皇信堂不以爵職為列悉序昭穆為次用家人之  
禮後又引見王公侍臣於清徽堂謂曰此堂成未未於王公行  
晏樂之禮後東閣廡堂粗復始就故今與諸賢欲無高而不升  
無小而不入因之流化渠帝曰此曲水者亦有其義取乾道曲  
成萬物無滯也次之取煩池帝曰此池中亦有佳魚任城王澄  
曰此謂魚在在藻頌贊其首帝曰且取王在灵沼於物魚躍也  
次之觀德殿帝曰射以觀德故遂命之次之疑閑堂帝曰名目  
要有義此蓋取天子閑居義不可縱奢以忘儉自安以忘危故  
此堂後作茅茨堂謂僕射李冲曰此東曰步元廡西曰遊凱廡

此堂雖無唐堯之君卿等當無愧於元凱冲對曰臣既遭唐堯  
君之不敢辭元凱之譽帝曰光景垂落朕同宗則有載考之義  
卿等將出無遠何得默爾德音即會黃門郎崖光郭作通直郎  
刑蠻崔林等賦詩言志燭至公卿辭退再拜上千萬歲壽帝曰  
卿向以燭致辭復獻於千萬之壽朕報卿以南山之詩燭至辭  
退庶信之禮在夜載考宗族之義卿等且還朕諸王宗室款成  
此夜飲

二十三年正月戊寅朔群臣以帝疾瘳上壽大享於澄鳶殿

宣武景明三年十二月壬寅享群臣於大極前殿各賜布帛有  
差

孝庄永安二年七月爾朱兆破元顥帝還京師乙亥宴勞天柱

大將軍爾朱榮上黨王天穆及北齊督將於都亭出宮人三百  
繒錦雜綵數萬疋頒賜有差

前廢帝晉泰元年四月癸卯幸葉林都亭燕射班賜有差大樂  
奏伎有倡優為愚痴者帝以非雅戲詔罷之

出帝大昌元年五月乙巳幸葉林都亭晏賜群臣班賜有差

八月壬戌朔齊仗襄王來朝燕射班賫部下各有差

九月庚子帝幸葉林都亭引見元樹及公卿百僚蕃使督將等  
射班賫各有差

永熙二年正月庚寅朔朝享群臣大極前殿

八月乙丑齊文襄王來朝帝晏於葉林都亭班賫部下各有差  
西魏帝大統八年十二月狩於華陰大享將士

後周明帝武成二年正月癸丑朔大會群臣於紫極殿使用百  
戲三月辛酉重陽閣成會群臣列將大夫及突厥使者於芳林  
園賜錢帛各有差

武帝保定元年正月丙子大射於正武殿賜百官各有差

二年十月辛亥御大殿大射諸卿列將皆會

天和元年正月辛巳露寢成考之令群臣賦古詩京邑耆老並  
與會焉頒賜各有差

三年三月丁未大會百寮及四方賓客於露寢賜衣馬錢帛各  
有差

建德三年正月丙子停二十四軍督將已下誠以軍之法縱酒  
盡歡

六年二月平齊論定諸軍勲置酒於齊大極殿會軍士以上班賜各有差

四月大會群臣及諸蕃諸客於露寢

隋高祖開皇三年二月庚申宴百寮班賜各有差壬申宴北道勲人

四年正月甲戌大射於北園十日而罷

四月丁未宴突厥高麗吐谷渾士者於文興殿

七年四月壬申幸醴泉宮召兵部尚書常師與左僕射高穎上柱國韓擒虎於卧内賜宴令各叙舊事以為笑樂

十月辛亥幸蒲州丙寅宴父老帝極歡曰此間人物衣服鮮麗容止閑雅良由仕宦之鄉陶染成俗也

八年九月癸丑宴南征諸將頒賜各有差

十二年十一月壬午百寮班賜各有差甲子賜百寮大射於武德殿

十三年二月戊子宴考使於嘉則殿

考使謂充使考較也

十七年五月庚申宴百寮於玉女泉頒賜各有差

十九年正月戊寅大射於德武殿宴賜百寮

煬帝大業三年六月北巡狩至榆林郡丁酉啓民可汗未朝甲辰御北樓觀於漁河北宴百寮

七月辛亥啓民可汗上表請蛮服襲冠帶甲辰於郡城東御大帳其下備儀衛建旗旌宴啓民及部落三千五百入奏百戲之樂賜啓民及其部落各有差

八月乙酉幸啓民帳宴賜極厚

九月己未次濟源幸御史大夫張衡宅宴享極厚

四年正月庚戌百寮大射於元武殿

五年二月戊申自東都還京丙辰宴耆舊於德武殿頒

賜各有差

三月西巡五月甲申宴群臣於金山之上

六月丙辰御觀風行殿盛陳文物奏九部樂設魚龍曼延宴高

昌王翹伯雅及伊吾吐屯設於殿上

時二王表朝

以寵異之其蠻夷

陪列者三十餘國

六年三月幸江都宮四月丁未宴江淮己酉父老賜班各有差

七年二月己未并釣臺臨楊子津大宴百寮頒賜各有差

十一年正月甲午朔大宴百寮乙卯大會蠻夷設魚龍曼延之

樂頒賜各有差

唐高祖武元年五月戊辰宴群臣賜帛各有差

八月庚子宴設三品以上賜雜各有差

十月宴突厥使者奏九部樂於庭引骨咄祿持動升御坐以寵之

十月己酉秦王降薛仁果

秦王太宗也

帝聞大悅因置酒高會奏九

部樂賜群臣錢各有差癸亥秦王凱旋獻俘帝置酒宴師及骨

咄祿特勤於玄武門賜布帛各有差戊辰宴群臣

十二月庚寅宴突厥骨吐祿持動等於殿內

二年二月癸巳宴群臣臨奏九部樂賜錢各有差極歡而罷

閏二月甲辰考群臣以李綱孫伏伽為上第置酒高會奏九部樂於庭帝謂裴寂曰隋末無道上下相蒙主則驕矜臣唯諂佞上不聞過下不盡忠至於使社稷傾危身死匹夫之手朕撥亂反正念在安民平亂任已重武成官方悉文吏庶得各展器能以救不逮比每虛心接待莫聞讜言然唯李綱若尽忠款孫伏伽可謂誠直餘人猶踵弊風俛首而已豈朕所望哉當以身為嬰兒方朕為慈父有懷必尽有意必申也因命捨君臣之敬帝頽舉觴以屬公卿群臣失上壽極歡而罷賜帛各有差

四月甲辰遣大理寺卿郎楚之安撫山東夏侯端安撫淮左奏九部樂設宴而遣之

五月戊辰宴并州徒官五品以上於仁壽宮極歡賜帛各有差

丙寅奏九部樂於庭宴梁州使人官賞各有差

謂與官及賞物也

三年正月甲午宴突厥奏九部樂於庭賜綵有差

四月壬戌秦王平并州悉復故地帝大悅置酒含章殿宴群臣極歡遣入御府賜繒綵皆盡重而出

五月庚午宴突厥使奏九部樂於庭賜綿各有差辛卯秦王平并州凱旋獻捷於太廟帝置酒高會極歡而罷

六月丁酉宴東征官寮奏九部樂帝親舉酒以屬百官極歡而罷己酉大會東征將士奏九部樂於庭癸丑幸昆明池宴從官賜錢各有差

七月戊辰宴群臣

八月庚戌宴群臣奏九部樂於庭賜布帛有差

四年三月丁酉宴西突厥之使奏九部於庭賜帛各有差  
五月癸亥宴五品以上奏九部樂於庭丁丑以王世克平宴群  
臣賜帛有差

七月戊辰宴群臣奏九部樂於庭帝舉酒屬百官極觀乃罷賜  
錢帛各有差

九月癸亥賜五品以上射於武德殿賞金銀綾綺各有差

五年正月辛丑賜群臣大射於玄德門賞綵帛各有差壬子幸  
昆明池宴從官賜帛各有差

三月己酉宴群臣及京城父老賜帛各有差

七月乙酉秦王平王世克班師丙戌宴旋師帛各有差

六年三月己丑宴五品以上於昭德殿賜帛各有差

九月丙子宴五品以上於苑內謂公卿甲昔漢高定天下以蕭  
曹張陳為良佐任以政事朕應天命剋平區宇仗任卿等自謂  
不謝古人因舉酒以屬群臣賜物各有差

七年二月宴突厥使者奏九部樂於庭

三月己卯幸琅邪公主帝宴從官五品以上賞帛各有差

四月癸卯宴群臣奏九部樂賜有各差丙午宴王公親屬於文  
明殿帝見長平王大妃以屬從家人禮降階再拜酒小闌移坐  
翠華殿帝賦詩公主遞上壽賜帛各有差

六月戊戌右武侯大將軍丘和以交州首領來朝奏九部樂以  
宴之賞物各有差

七月壬子幸東宮從官下至百胥徒班賜有差

八年正月甲寅幸秦王第謂群臣曰朕以秦王有大功故於宮中立第以奠之從是宴五品以上設奇之百戲賜帛各有差  
二月甲午幸齊王元吉第宴五品以上賞各有差

三月丁酉宴群臣於玄武門陳倡優爛熳之伎

四月丁酉赤雀巢於殿宴五品以上頒者十餘人極歡而罷  
己丑宴西蕃突厥林邑者奏九部樂於庭

五月乙巳宴五品以上及外戚於內殿賦詩賜綵極歡而罷  
十二月辛巳車駕狩鳴犢泉迴宴從官賞物綵帛各有差

九年三月丙申宴朝集使於百福殿奏九部樂於庭

五月乙卯宴群臣

六月癸亥以秦王為皇太子宴群臣賜帛各有差

七月傳位於太子帝稱大上皇後四年乃徙居大安宮太宗親傳輿輦百寮陪從大上皇悅甚置酒高會極歡而罷賜物各有差  
大上皇戢武殿復置酒為歡謂群臣曰天下無事四海乂安非吾付囑得所吾見孝順安能至此乎明日復召貴臣十餘人爰及妃主置酒於凌煙閣酒酣大上皇親彈琵琶太宗起舞公卿上壽乙夜方散賜帛各有差  
太宗以武德八年九月甲子即甲戌宴群臣於顯德前殿賜帛各有差

貞觀元年十月癸未宴群臣賜物有差

二年五月丙辰以夏麥大稔宴群臣奏九部樂於庭賜物有差  
九月壬子宴群臣奏九部樂賜物各有差賜天下大酺三日慶

有年也

十一月甲子宴群臣賜帛各有差

二年正月甲子宴群臣奏九部樂歌太平舞獅子於庭賜帛有差三月甲子賜群臣大射於玄德門

十一月戊辰宴五品以上於殿內帝謂群臣曰李靖奮忠勇長驅深入頡利奔竄天下無事豈不樂哉於是極歡而罷戊子宴突利可汗及群臣於殿庭賜帛各有差

十二月乙未宴突利可汗及三品以上於中華殿帝賦七言詩極歡而罷賜雜絲各有差

四年二月己酉宴三品以上于中華殿

三月戊辰宴三品以上於林光殿賜物各有差

七月壬辰宴群臣於芳華殿奏九部樂於庭帝大悅親舉酒以屬群臣群臣奉觴稱慶極歡而罷賜帛各有差

十月幸隴州丁巳次武功宴從官及武功父老賜帛各有差

十二月乙未皇子誕育宴三品以上於林華殿賜帛各有差

五年正月癸酉大蒐於昆明池甲戌宴群臣奏九部樂歌太平舞獅子賜從官帛各有差己卯大上皇詔帝與從臣十許人汎舟於後園絲竹遍奏至於大安宮置酒甚歡子夜而罷

三月癸亥賜文武五品以上射於武德殿

四月甲辰宴群臣賜帛各有差

九月乙丑賜群臣大射於武德殿

十一月己卯宴群臣賜帛有差

六年正月甲戌宴蠻夷及三品以上於百福殿賜物各有差  
二月丙辰賜群臣大射於武德殿戊辰幸九成宮戊寅宴三品  
以上於丹霄殿賜徒官帛各有差

七月辛未宴三品以上於丹霄殿帝從容曰中夏乂安四夷賓  
服此公卿盡忠之効也朕實嘉之然隋煬帝之威加中國頡利  
跨有北荒棄護國富北精雄據西域此三君者可謂極盛矣失  
道怙亂奄致亡滅朕目覩其事何能不戒懼也公等輔導朕躬  
績已成矣當思長世之策以相敦勉於是賜帛各有差

閏八月乙卯宴群臣於丹霄殿樓帝甚歡夜分乃散各賜錢帛  
有差

九月帝在九成宮丙申以皇太子未朝宴東宮官屬賜帛各有  
差

乙巳宴岐州父老賜帛各有差己酉至慶善宮宴三品以上於  
渭水之濱帝甚懽賦五言詩庚戌宴從官故老賜帛各有差

七年正月癸巳宴三品以及州牧蠻夷長於玄武門帝謂侍臣  
曰四海和平天下同樂自古帝王罕得事父太上皇萬歲膝下  
之歡有倍常慶於是奏九功九德之舞觀者觀其抑揚蹈厲莫  
不扼腕踊躍惕然震悚武臣列將咸上壽云此舞皆是階下百  
戰百勝之形容群臣咸稱萬壽蠻夷十餘種自請率舞許之  
而乃罷賜帛各有差

八年二月戊辰宴群臣賜帛各有差

九年正月甲申皇太子承乾納妃蘇氏宴群臣賜帛各有差

十一年正月壬辰宴五品以上兩儀殿賜帛各有差

戊申帝將幸洛陽宴長安父老於武玄門賜以穀帛

三月戊子帝在洛陽引五品以上射於兩儀殿

丙申宴群臣賜各有差

庚子宴三品以上於西苑帝御龍舟泛於積翠池

癸卯宴洛父老於乾元殿賜以粟帛

十月辛酉幸積翠池宴五品以上帝曰今茲年穀大登水潦不

能為害天下既安邊方靜息因此農隙與公等舉酒酒既酣各

宜賦一事帝賦尚書特進魏徵賦西宮

十一月庚戌宴五品以上及蕃夷於貞觀奏九部樂賜帛各有

差

十二年二月壬子宴洛陽父老賜帛有差

三月丙子以皇孫誕育宴五品以上於東宮

十三年正月庚戌會群臣奏功成慶善及破陣之樂

十四年正月己酉宴群臣及吐谷渾王河源王慕容諾曷鈴於

玄武門奏倡優百戲之樂賜物各有差

九月乙巳宴京官五品以上於兩儀殿奏九部之樂

十五年二月癸丑宴從官及山東宗姓洛陽高年於貞觀殿奏

九部樂賜各有差

十六年三月戊午賜百寮大射於觀德殿

十一月庚子宴諸蕃使於兩儀殿帝謂沙鉢羅侯斤曰延陀本

部洛侯斤本我所立始十餘年自美如頡利之衆而侵我邊疆

我纔發甲騎傾其部落爾欲與我為寃不過欲費我邊境十年  
五馬其令見爾遣使謝罪捨爾前過情好而初宴賜帛各有差  
十一月甲子幸慶善宮召武功之郃城立節三時豐儀四鄉士  
女七十以上及居宮側數百人賜帛帝謂之曰朕幼遭隋亂擲  
風沐兩飢不遑食以救蒼生百姓得無死亡二十餘年矣今重  
還舊鄉與父老相見此宮先皇所居朕之生處至此傷心觸物  
增感因泣下霑襟群臣莫不欷歔又曰今召父老言宴少自寬  
割耳又謂從臣曰人或時覽物不能自知朕昔在隋朝五品初  
不可望公等其時多有未仕朕今君臨四海公等並居高列君  
臣相遇千載一時朕與諸公豈各自知也遂縱酒盡歡其父老  
中或宿經役事或舊媪蒼頭皆蹈舞歡酒爭前上壽或因言屈  
滯者帝或理之宴畢賜帛各有差其無觀者並加從級乙亥以  
輿駕還宮宴百寮奏九部樂先是伐高昌收其樂工付大常增  
九部樂謂十部

十七年六月甲午并州父老百餘人詣闕奏稱陛下肇開帝業  
發跡大原皇太子疏爵進藩作牧并部臣等不勝慶幸今未奉  
賀賜宴及物以遣之

閏六月庚申薛延陀可汗子突利設宴饌帝於相思殿大享百  
十月壬午宴洛州父老一百九十人於儀鸞殿班賜有差  
十九年十月征遼還次營州戊申召本州刺史父老及契丹等  
蕃長首領宴會父老年七十以上契丹奚蕃長以下各班賜繒  
綿綾數千萬段

十一月癸酉帝至幽州幸城南大享軍士勞之曰朕執賞罰之柄縣諸日月有功於國賞不踰時飲至之禮古今常事朕欲偏至酒散咸宜樂飲甲戌宴從官三品以上賜物各有差丙戌廻幸定州時太子監國處定州詔定州管內孝行者聞者宜與宗姓老人同宴會

十二月帝不豫步輦幸并州辛酉三品以上及中書門下四品以上帝疾廖詣闕上禮詔引文武五品以上賜宴遣皇太子宣旨曰臣之於君義猶父子朕傾遭腫疾見公等憂皇今者疾除復見公等喜躍爾輩忠列簡在朕心不費上禮希體豐潔固不可獨進與公等同歡酒舉樂奏司徒長孫無忌以下更上千萬歲壽帝悉為舉卮奏破陣樂舞狡狴卑撞凡劍數百人齊作帝

樂飲臣下極歡將夕乃罷賜物各有差

正月庚辰引從官及大原父老宴之賜物各有差

七月辛亥帝疾愈宴五品以上於飛霜殿絲竹帝奏群臣上壽歡極而罷賜綾錦各有差

十二月庚辰以鐵勒迴紇部援野古部同部思結部渾部斛薛部奚結部阿跋部契苾羽白霄部其渠師各率所部歸附及還帝御天成殿陳十部樂宴而遺之設高玷於殿前置銀瓶寮盛陳寶器奏慶善破陣樂并十部之樂及撞末跳丸舞劍之技突利設再拜上千萬歲壽賜金帛各有差

十一月甲辰誕皇太子皇大孫宴百寮引教殿帝幸東宮自殿北門而入太子自投階下舞蹈稱萬歲帝謂官臣曰傾未生業

稍可非之酒食而唐突公等宴會者朕甲館之慶故就公為樂  
且咸稱萬歲酒酣帝起舞群臣並舞樂極而罷賜物各有差  
十八年正月丙戌諸蕃使於玄武賜物以遺之

二月辛酉召三品以上賜宴於玄武門帝既工頴書又好飛白

於王衛之間別更立意

王羲之衛夫人

遂觸類增長精妙絕倫每有新

奇群臣無不下拜啓請是日帝操筆作飛白書群臣乘酒就帝  
手中相競散騎常侍劉洎登御床引手然後得之其不得咸稱  
洎登御床罪當死請引付法帝笑而言曰昔有媿好辭輦今見  
常侍登床

五月甲戌召司徒長孫無忌以下十餘人於霄丹殿賜宴賜各  
膜皮右衛大將軍薛徹萬與焉帝意在賜萬徹而呼其兄萬均  
愴然不樂曰萬均朕之勲舊不幸早亡朕不覺呼名豈其魂灵  
歆朕之賜也因令取皮呼萬均以同賜而焚之於前侍坐者無  
不歎感

十月癸卯宴雍州父老千一百人於上林苑帝謂之曰朕剪除  
喪亂海內又安百姓復業各循其理而遼東數城中國舊帝莫  
離伎狼子野心靈殺其主朕歆存其國而吊其人所以將幸浴  
陽有經畧安復三韓之地一二年方還故召父老別耳子孫從  
行者朕躬自巡撫勿以為慮賜百姓以上氈皮包各一帛十四  
粟十石九十以上帛五段粟八石八十以上帛三段粟二石於  
殿上自左閣內潛流酒泉通於玷脚而涌殿前瓶中又置大銀  
盆其實百斛傾瓶注於盆中鉄勒數千人不飲其半雜類驚駭

私相謂曰天子賜我實此瓶還部落中傾之豈不嘗是酒也又  
詔文武五品以上令外廚給酒載於尚書都堂以餞之  
二十二年正月乙未奏十部樂會四夷君長於天成殿王公稱  
觴上壽各有差

二月丙寅朔朝使奏辭引五品以下并殿宴

四月乙亥西突厥賀魯以王師問罪龜茲固請前馳願為鄉道  
仍以數十騎馳來謁詔授昆丘道行軍總管宴之於嘉壽殿及  
文武三品畢景甚歡賜賀魯綾綵仍解所服之衣以賜

十月乙巳隄丘道軍將阿史那社爾擊龜茲破之帝聞之大悅  
宴五品以上於紫微殿從容謂群臣曰夫樂有數種至而土城  
竹馬遊戲阡陌之間此童幼之樂飾金翠曳羅綺此婦人之樂

賤糴貴出貿遷有無此商賈之樂高官厚祿名顯此進仕之樂  
受服出征前無勅敵此將帥之樂四海寧一六合無塵端拱嚴  
廊社稷安固此帝王之樂頃命將西征今已剋捷萬里清秦戰  
士咸得還家此朕為樂之時因賜群臣頃解極歡而罷

二十三年二月癸巳特進新羅王金春秋還國令三品以上宴  
餞之優禮甚備

新刊監本冊府元龜卷第一百一十

帝王部一百一十

宴享第二

唐高宗永徽三年二月甲辰宴三品於百福殿帝舉酒極歡賜以錦綵各有差

甲寅京城百姓以歲旱帝避寢正撒膳遂降甘露相率宴樂兼奏倡優百戲帝御安福門樓以觀之

五年四月癸巳宴文武群官及麟遊縣老人於玄武門賜物各有差

九月乙亥御丹霄樓縱官三品以上行太射禮丙子賜五品以上射帝升永光門樓以觀之

顯慶元年正月己卯宴文武群官及朝集使蕃客京城老人八十以上賜物各有差

二年二月幸洛陽宮癸卯御貞觀殿宴徙行文武官及洛州父老宗姓等賜物有差

五年二月幸并州丙戌會從官及諸親并州官屬父老等奏九部樂極歡而罷賜帛有差

十二月辛未校獵於長社之安樂川丙子召侍臣及蕃客夜宴帝詩以紀講習之事

龍朔元年九月勅中書門下五品以上諸司長官尚書省侍郎并諸親三等以上並謁沛王宅設宴禮奏九部樂畢賜帛雜綵各有差

麟德元年八月丙子帝自萬年宮還便幸舊宅丁丑宴群臣賜物有差

乾封元年正月戊辰朔有事於大山壬申禮畢御朝觀殿受朝賀癸酉帝謂群臣曰升中大禮不行來數千里近代帝王雖稱封禪其間事有不同或為求仙克禋或以巡遊望拜皆非能崇祖業近在隋朝喪亂最甚老小填溝壑少壯染丘鋒高祖發自晉楊撥亂反正先朝躬擐甲冑替成大業掃除氛祲廓清區宇遂得四海宅心萬方仰化朕丕承寶曆十有七年終日孜孜夙夜無怠屬國無事天下大平華夷乂安遠近輯睦所以躬親展禮翊替先業情在歸功固非為己遂得上應天心下凡人望今大禮既舉深以為慰公等体戚是同故應此慶欲與公等飲饌

盡歡各宜在外更衣卽未相見乃勅所司撤帷帳施御牀三品以下升壇四品以下坐壇縱酒設樂群臣及諸岳牧競未上壽起五日宴方止

四月甲辰帝至京師先謁太廟是日御景雲閣宴群臣設九部樂頒賜綵帛各有差

總章元年十月癸丑文武官獻食賀破高麗帝御玄武門之觀德殿百官設九部樂極歡而罷賜帛各有差

咸亨元年十一月壬戌帝親於殿前宴京城父老有不能行者仍許子弟扶至殿廷宣勅謂之曰朕雖居九重之內常以萬姓為心而誠不動天遂使陰陽錯謬自從去歲閏中旱歉未嫁不收多有乏絕百姓不足責不朕躬每自思此深以為愧今洛下

倉稟且復充實更為轉運如是艱辛理有便宜所以行也故召卿等為宴別耳仍節給賜物及黃袍等以遺

三年六月甲寅御冷泉亭召許敬宗泉男生及東西臺三品酒酒作樂

四年七月庚午皇太子新宮成帝親送太子入宮五品以上及諸親並從宴會奏樂極歡而止賜物有差

上元元年九月辛亥百官俱新服上禮帝御麟德殿之景雲閣以宴群臣

儀鳳三年七月丁巳宴百寮及諸親於九成宮之咸亨殿帝謂霍王軌等曰去冬無雪今春少雨昨五月避暑此宮甘雨屢降夏麥豐熟秋稼滋榮又得禮敬玄表奏吐蕃已入龍支張處最

牽領驍勇與其戰一日兩戰賊俱敗走奔趨數百里虜獲極多  
又大史先奏七月朔太陽虧而日竟不食此是上天垂佑宗社  
靈豈在虛薄所能致此又以男輪最小特所留愛比來與選新  
婦多不稱請近納劉延景女觀其極有孝行不夫婦容復是私  
中一喜思與叔等同為此歡且各尽情相歡樂酒飲酣帝賦詩  
作栢梁體曰屏歆除奢政返淳皇太子曰叨恩監守戀晨昏霍  
王元軌曰王德無爲同混元相王輪曰長歡膝下鎮承恩右僕  
射戴至德曰天皇萬福振長源黃門侍郎常曰策蹇叨榮青鎖  
門中書侍郎薛元起曰鷓池濫職奉皇言其餘群臣以次繼作  
日晏而罷賜絲物有差

調靈二年正月乙酉御洛城門南樓引諸王及三品以上并諸

州都督刺史登樓賜宴大常奏新造六合還淳之舞日晏而罷

四月癸酉御九玄殿會文武百寮謂曰匈奴爲患侵鎬及方方地

自秦漢以來即有此弊我國家拓定四海尚虧事天之禮自觀

之始猶自執迷所以命出師頻有催殄遂使分土瓦解臣面

縛未忍殲殄許以自新五十年間俱稱臣妾自去冬已來互相

扇動潛行合聚遠事交結遂敢殺戮百姓侵損邊陲故遣裴行

儉等叩申簿伐軍威暫舉兵不血刃應時破潰款伏軍門朕自

開元以來情甚歡慰故廣召百官以申讌喜王公鄉士想同茲

慶中宗神龍元年四月壬子宴房州父老於洛城南門各賜勳

一級

十五年己巳宴皇親及皇后內外諸親於武城殿賜物有差

景龍二年十一月辛巳以安樂公主出降宴群臣于兩儀殿  
十二月丙申宴監昆使于兩儀殿

三年正月乙亥宴侍臣及近親於梨園亭

八月己巳幸安樂公主山池宴從官賜繒帛有差  
四年正月乙丑宴吐蕃使于苑內毬場命駙馬都尉楊慎交與  
吐蕃使打毬率侍臣觀之

四月丁亥帝遊嬰桃園引中書門下五品以上諸司長官學士  
等入芳林園置酒為樂乙未張樂於隆慶池泛舟戲宴群臣仍  
命賦詩

睿宗景雲二年正月乙卯宴吐蕃使賜物有差

九月丁酉宴吐蕃使於承慶殿

十一月戊子御承天門宴突厥可汗勇楊我支特勒

大極元年正月乙未朔御安福門宴突厥可汗勇楊我支特勒

延和元年七月庚申御安福門宴群公卿士設太常九部樂帝  
夜觀焉

玄宗先天元年八月己酉吐蕃遣使朝賀帝宴蕃使于武德殿  
設太常九部樂於庭

九月乙亥太上皇御安福門賜群公卿士射

二年九月庚辰宴王公百寮於承天門

開元元年十二月丁酉以吐蕃遣其大臣來求和命有司引吐  
蕃宴於三殿

二年二月癸丑宴吐蕃使及新羅王子于朝堂以旱廢樂

十月庚辰宴新羅使于內殿勅宰臣及四品已上諸官與焉  
七年二月壬辰朝集使還本任命有司布饌宴于庭賜帛有差  
三月壬辰勅百官三月三日宜准常式賜射  
壬子御丹鳳樓宴九姓同新羅及契丹各賜物一百段小妻主  
友三十段

八年正月丙寅以皇太子加元服宴百官于太極殿

十一月己巳御丹鳳樓宴九姓蕃安等設九部樂

九年三月戊午宴朝集使賜帛有差

四月戊申御丹鳳樓宴平胡節將王駿郭知運王智方高崇謝  
知信許四品已上清官及供奉官陪宴

十二月甲午宴朝集使賜物有差

十年正月乙巳御含元殿宴群臣賜帛有差

十一年五月丙戌命有司會群臣宴突厥使嚠泥熟于都城南  
門

十二年三月庚午宴朝集使于紫宸殿賜帛有差

十四年十一月己丑幸寧王憲宅與諸王宴探韻賦詩帝詩曰  
魯衛情先重親賢愛轉多冕旒豐暇日乘景暫經過戚里申高  
宴平臺奏雅歌復尋為善樂方驗保山河

十五年四月丙午梁州都督王君奭破吐蕃凱還詔置食朝堂  
宴之及將士等並賜物有差帝謂君奭及將士等曰吐蕃小醜  
敢懷逆命輒窺亭鄣以逞凶狂卿等智勇夙彰軍威克振統整  
旗鼓屢剪渠魁深入寇庭當甚勞耳

五月丁丑是日端午宴群臣于武城殿各賜衣一副帝親自賦詩曰端午臨中夏時清日復良鹽梅已佐鼎麴蘖且傳觴事古人留迹年深縷續長當軒知權茂向水覺盧香億兆同歸壽群公共保長忠貞如不替貽厥後昆芳特賜宰臣李元紘及兵部尚書蕭嵩金章紫綬以寵之

十一月庚子御含元殿宴群臣賜帛有差

十六年十一月丙午御含元殿宴群臣賜有差

十七年八月癸亥帝降誕之日大置詩張樂宴百寮於花萼樓三月命侍臣及百寮每旬假日尋勝地讌樂仍賜錢令所司供帳造食

五月丁卯侍臣以下讌于春明門外寧王憲之園池帝御花萼樓邀其回騎更令坐飲遙起爲舞頒賜有差

十九年二月丁亥詔曰百靈降福庶尹叶心陰陽調而生植以滋政理孚而黎獻咸若由庶知萬物之樂華黍洽三農之慶信可以率理輔仁式歌且舞者矣况生成式序氤氲致和卉物發榮池藻含麗思順時令以申惠澤咸宜邀歡芳月繼賞前春夙夜在宮既同咸一之理休沐式宴俾共升平之樂中書門下及供奉官副主郎王左右丞相少府賓客諸司三品以上長官侍郎郎官少監少卿少匠業少尹兩縣令都水使者朝集使正佐以上并雜除未赴任者及東宮諸司長官中舍中允少詹事諭德中郎率蕃官三品以上至春末以來每置假日宜准去年正月二十九日勅賜錢造食任追勝賞

二十年二月壬辰許百寮於城東官亭子桑勝因置檢校桑勝以厚其事文官三品已上及兩省供奉官侍郎中丞御史咸與焉四月乙亥宴百寮于上陽東洲醉者賜以金尊肩昇以歸相属于路

五月丁卯詔河北立功將士於朝堂謂之曰天地無遠四夷奔走而來庭山川無幽百神聳靈而奉職斯皆上玄啓佐宗廟威靈肆予一人肅將明命而已乃者林胡小醜敢茲不恭爰命師徒掃除邊陲卿等屬當武旅之寄得奮才畧之雄取如拾遺月馘三捷雖天誅則爾亦卿等力焉今屬旅師聊申宴勞應有官賞已勅所司叙定之日朕將親覽必有當賞之功用增乘與之氣且宜坐食蕪賜卿等少物食訖領取

二十一年八月詔曰大射展禮先王創儀雖沿革或遵而遵習無曠往有陳奏遂從廢寢永監大典無忌舊章將射侯以觀德豈愛羊而去禮緬惟古訓罔不率由自我而闕何以示後其三九射禮宜依舊遵行以今年九月九日賜射于福安楼下時京官五品以上乃預其會

二十三年正月戊寅耕藉田禮畢大置酒於應天門以會百官八月丁亥帝降誕之日御花萼樓宴群臣御製千秋節詩序時小旱是日天澍雨百官等咸上表賀

九月辛巳宴朝集使於朝堂賜物有差

二十四年二月甲寅宴新綬縣令於朝堂

八月壬子千秋節帝御廣達樓宴群臣奏九部樂內出舞人繩

妓頒賜有差制曰自古風俗所傳歲時相樂亦各有事大小在人朕生于仲秋厥日惟五遂為佳節感慶誠深今屬時和氣清年穀漸熟中外無事朝野大安不曰此時何云宴喜鄉節即宜坐飲相與盡歡又召京兆父老等宴之勅曰今茲節月穀稼有成頃年已來不及今歲百姓既足朕實多歡故與此時與父老同宴自朝及野福慶同之並宜坐食食訖樂歡兼賜少物宴訖領取甲寅以突其施遺大首領胡祿達于來求之許知宴於內殿賜錦衣一幅帛及綵一百放還本蕃

二十五年正月壬午制曰百司每旬節休假並不源親職事任追勝為樂宣示中外知朕意焉己丑以望日命有司于勤政樓前樹燈宴群臣於樓下

八月丁未千秋節宴群臣于勤政樓下

二十六年二月己巳賜朝集使五品以上錢三十萬任追勝為

樂

是年正月帝親迎氣東郊詔曰今朝廷無事天下和平美景良辰任百官等追勝為樂

十月庚戌停朝恭命百官于尚書省宴朝集使

二十八年正月壬寅望日御萼花樓宴群臣今有司樹燈于樓前會大雪而罷因勅堂以二月望日燒燈

八月己未以降誕之日御花萼樓宴群臣賜帛有差

正寶元年正月甲寅命有司宴女國王及佛遊國于曲江令宰臣以下同宴

十月庚辰御花萼樓宴蕃客各放還蕃

三載三月勅中書門下及兩省五品以下并三品以下正員長

官諸司侍郎御史中書于鳴臚亭子祖餞朝集使及范陽節度使安祿山

四載二月勅今月十四十五十六日今書門下及兩省供奉官諸司文官四品以上郎官御史節度採訪使等並於花萼樓下宴

五載正月勅今今月十四十五十六日宜令中書門下兩省供奉官文官四品以上武官三品以上正員並御中丞嗣王部主郎官御史節度使並於花萼樓下宴不須入朝

十載正月詔曰百辟協心交脩皇極所以天降脩命寶祚維新今郊廟精禋大禮克舉萬方無事九有歡心屬獻歲芳春上元望日既當行慶之序式廣在錫之恩自今後非唯旬休及節度

百官等曹務無事之後任追遊宴樂

十三載三月丙午御躍龍殿門張樂宴群臣賜物有差極歡而罷

十四載三月庚申許常叅官追勝宴樂百官因上表曰伏奉恩勅令臣等三月以來未分日入朝遂便尋勝伏以聖政和平景光韶麗道風淳被朝野歡娛陛下均惠澤而不遺俾簪纓而共賞因其無事許以蕃休草木加春沉翔益暢生成之德報効何階復以宮闕增脩子未云就軍麾告捷飲至初行臣等無汗馬之功空露分器懷駕鷲之志敢效猷芹伏請進錢一阡貫文以充宴樂願接順陽之慶得申就日之懇許之已丑御勤政樓宴臣群帝賦詩數栢梁體群臣畢和

八月辛卯天長節御勤政樓宴群臣

肅宗乾元元年二月戊戌宴迴紇使於紫宸殿前

八月甲辰天長節太上皇於金明樓宴百官賜綵五百匹

二年正月甲申迴紇王子骨咄特勤宰相常德等十五人自相奔于西京帝宴之于紫宸殿賞物有差

八月壬戌十姓突騎施黑姓可汗阿羅裴羅等并波斯進物使李摩日及寧遠園使葛等未朝並宴於內殿

九月丙寅帝降誕日宴百官于宣政殿前賜三百匹

十二月戊申宴蕃胡拓翔於三殿各賜物三十段

代宗寶應元年六月丁巳以突厥奴刺部樂千餘人內屬請討賊自效宴奴刺大首領于內殿賜物有差

七月辛丑宴六軍將士于三殿賜物有差

八月己酉奚及契丹來朝宴于三殿丁巳宴宰臣及師保侍給舍中丞六尚書左右丞侍郎諸司長官等于延英殿賜物有差

九月戊寅宴郭子儀等諸于延英殿賜物有差丙申迴紇可汗舉兵馬至大原遣使奉表請助王師討平殘寇是日引其使宴于延英殿賜物有差

廣德二年十一月戊午公卿率餞于哥舒翰宅宴慰副元帥郭子儀特給大常音樂

永泰元年正月辛亥宴宰臣及兩省五品以上御史臺五品已上尚書省四品已上等官及諸司長官於延英殿

大曆二年二月丙戌郭子儀至自河中府癸卯許宰臣元載王

緡及左僕射裴冕戶部侍郎判度支第五琦京兆尹黎幹各出錢二十萬宴郭子儀于子儀私第內侍魚朝恩參其會為朝恩出錦三十匹絳羅五十匹絳綾一百匹為子儀纏頭之費極歡

而罷舊俗賞歌舞人以絳置之頭上謂之纏頭

三月甲戌內侍魚朝恩請于春明門外私第宴宰臣僕射舊相

節度使度支京尹第許之乙亥郭子儀請宴宰臣等于私第許

之戊寅汴宋節度使四神功請宴臣宰等于私第許之時子儀等以寇

難漸平蹈舞王化及置酒酣飲皆起舞出良馬良馬實鞍錦羅綾絲等為纏頭之費上自宰臣公卿及中官高品及列生者百餘人下及伶人皆獲享賚子儀

朝恩神功或費至十萬貫者己卯宴吐蕃使于禮賓殿

八月癸未御三殿宴李抱玉杜鴻漸及河南江淮轉運使劉宴

荆南節度使衛伯玉等賜物有差

三年二月戊子宴闕內河內副元郭子儀鳳祥澤潞節度使李

抱玉及邠寧節度使馬璘等

五月戊午宴劔南陳鄭神策將士三千五百人於三殿賜有有

差丙寅御紫宸殿宴新羅迴紇使

十二月丁巳宴宰臣及諸道節度使於內殿賜物有差

四年十月丁巳宴吐蕃尚悉摩等八人於紫宸殿

五年正月辛丑宴宰臣及節度使尚書御史大夫京兆尹於內

殿賜物有差

六年正月乙卯宴宰臣及節度使六尚書御史大夫京兆尹判

度支戶部侍郎於內殿賜物有差

十一月宴文單王國姿彌等二十五人于三殿

八年十一月戊午宴宰臣郭子儀李抱玉王縉元載及僕射裴  
遵慶侯希逸御史大夫李拙筠吏部尚書劉晏渭北節度使藏  
希讓神策軍兵馬使王駕鶴京兆尹杜濟於延英賜物各有差  
閏十一月癸亥宴宰及節度使轉運使御史大夫京兆尹判度  
支戶部侍郎內殿賜錦綵金銀器物各有差  
九年四月辛巳宴宰臣及諸節度使轉運使御史大夫京兆尹  
判度支戶部侍郎及勳舊大臣於內殿賜物有差  
十年八月乙亥宴宰臣及御史大夫節度使轉運使判度支戶  
部侍郎京兆尹於三殿賜物各有差  
十三年正月甲戌帝御三殿宴宰臣及節度使轉運使判度支  
戶部侍郎京兆尹等賜物有差

二月庚辰帝御三殿宴侍臣五品以上御史臺五品以上尚書  
省四品以上及節度觀察在城判官等並宰臣勳臣弟兄等並  
起會凡三日連宴賜賚極于豐厚

十四年二月壬辰帝御三殿宴宰臣及兩省供奉官並文武百  
寮賜物有差癸巳又御三殿宴至德己未勳臣子弟及鄴邸舊  
臣子弟賜物有差順時令廣恩也

德宗興元元年七月壬午車駕自興元至京師帝既還宮間每  
宴勳臣於麟德殿必親閱酒饌盛陳音樂極歡而罷其所頒賜  
李晟首之渾瑊次之諸宰臣及郎將又次之所以褒元功宗秩  
序也

貞元元年二月寒食節命詔義節度使李抱貞山南西道節度

使嚴震與神策金吾六軍使擊鞠於內殿頒賜各有差

四年二月戊戌帝御麟德殿觀宰臣李晟馬燧及諸將會鞠李泌辭以不能請記壽從之頒賜有差辛卯帝以寒食假滿內鞠會永畢是日特賜百官假一日

三月甲寅宴百寮於麟德殿設九樂及內出舞馬帝製序及詩以賜群臣於是給御筆仍命屬和頒賜各有差至德以來軍務事殷宴賜殆絕大曆末唯宴兩省供奉官及諸司三品官而已朝臣不周及焉至是常祭及二王後王室從曾祖以下親舅姓諸親及勲臣將子孫悉集焉

四月御玄英門宴六軍及神策神威諸將頒賜各有差

五月宴賜東蠻鬼主驃傍苴夢衡苴鳥星等於麟德殿頒賜各有差

有差

九月詔曰內外鄉士左右朕躬朝夕公門勤勞衆務令方隅無事羨庶小康其晦日上巳重陽三節任擇勝地追賞每節仍賜宰相及常祭官錢五百貫翰林學士一百貫左右神威神策十軍共一十貫金吾英武威遠及諸衛將軍共二百貫客省奏事官一百貫委度支節支五日分付永為常制

六年二月戊辰中和節宴百寮於曲江亭帝賦詩賜之

三月戊子百寮宴於曲江亭帝賦詩以賜之己酉帝以寒食與宰臣及北軍諸將軍擊鞠於麟德殿班賜各有差

四月帝曰朕頃以四方不寧宵衣旰食百寮亦遑無暇日兵革漸息夏麥大登朝官有暇日遊宴者令京尹不須奏

八年正月詔三節宴集先以賜諸位將軍錢其宰臣以下可賜錢百斤

八月詔曰屬者春秋令節朝野多歡乃與公族庶寮俾同宴賞令兩河吳楚連被水災悼于厥心實未寧息尚軫愛念豈遑愉樂其九日宴會宜罷

九年二月庚戌朔以中和節賜宴錢給百寮先是宰相以曲江合宴陳設供辦為府縣之弊請分給是錢令諸司會于他所從之自是訖于貞元三節公宴悉分矣

九月以贈大師李晟薨日近罷九日宴會

十一年九月十日以重陽日宴賜百寮追賞初九日以雨罷宴及是方會宴帝賦詩以賜百官

十一年三月己上賜宰臣及兩省供奉官宴于曲江

九月癸卯賜中書門下及兩省供奉官宴于曲江帝賦詩以賜百寮百寮畢和

十二月戊辰謁帝畋苑中上多殺行三驅之禮軍士無不知感畢事幸左神策軍勞軍享士而還

十二年二月己卯寒食節帝御麟德殿之東觀武臣及勲戚子弟會毬兼賜宰臣醢饌於宰臣在後苑畫屏風圖漢魏名相仍紀其嘉言美行題之于下宰臣各賜錦綵百匹銀瓶盆各一具其從官省官各有差

十三年二月丁巳朔賜宰臣及兩省供奉官宴于曲江又寒食賜宰臣宴於麟德殿前觀會毬各賜錦綵瓶盆等

九月重陽節賜宰臣及兩省供奉官宴于曲江賜中書門下及百寮詩

十四年正月帝謂宰臣等曰文武之士列在朝序熙我庶績勤效用彰今屬勾芒應時萬物生育朕至中和之節欲於麟德殿宴會群寮所冀君臣同歡式昭在錫之義宰臣等奏曰今八表清寧天下無事中和令節時屬上春萬國歡心咸同此日陛下俯降恩旨欲宴朝臣天光下臨曲示慈惠臣等不勝慶忭之至三月壬子朔以雨雪不克宴會改換他日戊午帝御麟德殿賜文武百寮宴樂於東西廂初奏破陣樂舞帝自制中和樂是日奏之又奏九部樂及禁中樂舞妓者十數人而列於庭樂飲極歡日晏而罷賜宰臣錦綉各二百匹加瓶盤等各有差帝製中

春麟德殿會百寮觀新樂詩仍令皇子書以示百寮

九月重陽節以襄陽節度樊澤卒廢朝其百官宴享宜改取十一日

十五年正月詔罷今年中和宴會以早故也

二月詔罷今年三月三日宴

九月詔罷今年重陽日宴會是吳少城逆徒圍許州

十六年正月詔罷今年中和節會

二月詔罷今年三月三日宴會

九月壬子駙馬都尉 暖卒罷九日宴會

十七年二月朔賜群臣會宴於曲江亭帝命中使薛盈珍賜詩  
三月已上賜群臣會宴於曲江

十八年二月朔賜群臣會宴於延康里故馬璘池亭

三月己上賜群臣及兩省官會宴於故馬璘池亭

九月重陽節賜群臣及中書門下兩省官宴於故馬璘池亭御製豐年多慶九日寫懷詩以賜群臣

十九年二月朔兩省供奉官會於馬璘池亭


三月己上賜中書門下及兩省供奉官會於馬璘池亭

十二年二月朔罷中和宴歲故也

九月九日賜中書門下及兩省供奉官宴於馬池亭

新刊監本兩府元龜卷一百一十

春麟... 百... 皇... 書... 未... 日...



Faint, illegible text visible on the right page, possibly bleed-through from the reverse side.

